

續修汶上縣志



ル 5
3078
4



門 儿 5
號 3078
卷 4

汝上縣志卷之四

續官蹟志

西冷聞元昺續編

續官蹟志

續叙曰昔賢居空輔以不獲任親民之職為歉甚
哉令之關於民獨切也百里烹鮮或曰小試然
河陽起花封之頌中牟有馴雉之異載在簡冊
芳躅固皆可考汝邑百年來賢令接踵茂績引
獻故老猶傳誦焉詎可聽其沒沒耶採而誌之
以表前徽以垂後範所不容已矣為續官蹟

續官蹟
續官蹟

苑文若江南上海人丰神俊異材智超羣其治汶
也以德化民以禮自持剪惡安良吏胥守法時
白蓮教賊作亂陷鄆城過汶上憚公威名不敢
近蓋有所以畏之也任二年調繁浙江秀水縣
王 鑰陝西朝邑人下車後法令嚴肅狐鼠遁形
視民如子詞訟不擾百姓愛而畏之歲如期輸
稅不敢違時搜點民兵北上人情洵洵又民兵
素乏束約甫出縣卽肆掠奪村人皆惶懼逃避
公挺身追捕剪厥渠魁民賴以安甫一載卽調
繁去任百姓追思不置

雷一龍北直通州人以名進士任汶性純孝六身
隨養署內每值公退食必詢所行善則有喜色
否卽怒而撻之公跪而受杖以故廉慈兼施居
身儉素尤喜與士子講書課藝無虛日行取授
禮科給事中去之日士民遮道攀轅號呼如失
怙恃

汪震元江南休寧人由功貢初任桂東順治十八
年調繁汶邑廉正嚴明人不敢欺在汶九年行
取刑部主事萬姓建祠勒碑以志遺愛

樊紹祚直隸文安人由進士筮任汶上嚴明沉毅
強幹有守任五年吏惕民懷善政難屈指述其
最著者如南旺挑濬漕渠歲需椿木數百株闕
壩後豪役盡據而瓜分之及挑濬時又科之里
下歲以為常民累久矣公廉知其弊于工竣即
取舊椿貯於龍王廟籍其數令廟僧扁而守之
以為來冬之用歲省民財數百金而且催科不
擾無滯獄無留牘鄉城晏然羣歌樂郊行取
道御史士民至今思慕不忘云

續按自萬曆戊申後宰汶者三十餘人而宦績

紀傳得玉人餘果無可述耶抑亦年遠事湮
人懿德芳規竟淪於荒烟野蔓耶且令之下丞
司鐸各有其人其間豈無軼事堪垂善教可採
而竟無一人一事之載非畧也無蹟可覓自無據
而傳也遠紹功烈不能不望之後之君子矣

續人物志

續叙曰偉人傑士皆鍾山川之靈氣而生語云地
靈則人傑豈盡虛哉汶邑諸山環聳衆水互繞
加以聖人之餘澤猶新宜乎哲人挺生接踵不
乏也故或登籍廟廊策勲建業或立名鄉曲飭
紀敦倫前固炳炳後亦籍籍下及閭巷懿行
軀節烈靡不薄雲霄而貫金石盛矣哉今雖氣
俗不古而言念前徽高山可仰後之人尙其年
所興起也夫爲續人物

賢忠

郭朝賢字應甫歲貢生事親以孝待昆弟以友潛
心理學能會周程張朱之與當年姚江之說盛
行而公能卓然不惑真學者之矜式也以理學
孝友崇祀鄉賢公貢於嘉靖三十二年
前志未詳為續之

麗時雍字堯封登萬曆壬辰科進士歷任兵部主
事居官剛直敢言時輔臣沈一貫專權誤國公
痛恨切齒閉戶具疏劾之繕寫三晝夜始就復
望家拜辭祖先乃請闕上奏忤旨謫廣東布政

司照磨改神木縣典史已而放為民跨蹇出
道中口占有生成誰會是官人一落塵囂二十
春幸今還我真頭面啣結何能報至尊之句旋
星後杜門不出絕口世事年七十餘以壽終

王命新字又新號坦山世為汶上人公生而穎異
初就外傳舉動悉合矩矱先達龐公堯封見而
異之妻以女成童即補弟子員博覽經史子集
及諸儒語錄淹貫弘通稱時鴻儒癸卯領鄉薦
第二人丁外艱哀毀骨立喪葬悉遵禮制家產
讓之伯季惟講授生徒取束修自給至慈幃其

旨仍自供不委也會修邑乘邑令屬以筆削褒
貶紀載一本於公至今據爲信史焉庚戌成進
士授常州府推官介性孤行卽臨以憲威不少
屈丁內艱謝事束裝蕭然襤被徒跣千里以歸
服闋補上谷司李清介執法不異於前以才品
擢南京戶部主事督權維揚關維以寬商恤民
爲急改南吏部文選主事旋躋本司郎中陞大
理寺丞逆黨希魏閹旨以門戶中之遂罷歸屏
跡山居聚徒講學以守先待後爲己任學者稱
爲坦山先生崇禎庚午臺省交薦特旨補南

貴卿淡情祿位長安權貴無片紙之通遂就
方巖終始不移勉至治家以禮崇儉去汰僕從
皆短襦如爲布素時守令之庭絕竿牘至百五
利害所關必正色陳之卽觸忌不恤也及年六
十一歲通國震悼公懇各憲崇祀知賢併請之
特祠以誌不朽所著有千秋館文集養蒙初書
諸書行於世

李如蘭字兼芝號瞻濤邑之草橋村人幼具夙慧
十歲能文弱冠出試卽拔前茅天啓辛酉舉於
鄉邑令范公語人口此君行誼文章酷似其舅

今日之捷詎倖邀耶當時以爲定評蓋公與王
尙寶甥而步趨舅氏者也爲人端嚴不苟見義
勇爲庚辰辛巳饑疫類仍公捐粟施棺義聲籍
甚旣而土寇蜂起奉兩臺檄練鄉勇爲城守計
誥於餉公首捐粟爲紳士倡兩臺列疏交薦議
以縣令用而公遽以疾逝未獲展施時論惜之
路世植字君依大司馬元孫也生而直方風規稜
稜冲年遊泮屢厄不售因設塾講學時出與里
人言孝慈言仁讓黜奢鄉人悉化之又善星躔
知天災將至比糠粃野食悉覓而藏之復貨其

遠戶一區得銀兩數千兩壬午建德
荒歉饑人相餒公乃出糶賑以濟之由是一里悉
免餓草人皆祝公有令嗣外子光岱果領察那
鄉薦諸孫皆列黌序後祀繩繩殆不可盡云

高 萬曆丙辰進士生平剛正風節稜發初爲
元氏令正直不阿任刑部持法公平時避關竊
糶有所憾發公勘問欲宜之死公持平不阿竊
竊起賴閣臣申救得降調回籍崇禎改元還公
設職風節益勵每遇大獄曹屬觀望公獨正以
折之稱平允焉遷河南府知府同前以藩王租

解梁民抗疏添劾忤德王誹語中公遂除籍歸
娛情詩酒杜口朝政數年卒

高 熊邑庠生默胞弟也容體魁岸何偉氣節
幼齡失恃能盡哀親病晝夜奉侍不懈年已大
饑有素負錢粟者皆為破券不使償士年匪流
寇之亂避家壽張以材勇奉縣委守城東南隅
捍禦有方乃賊由西北隅進遂奔告其婦祝氏
曰吾屬休矣携長子出未脫而寇擁入遂被執
戮索賂則曰一死報國恩分所耳也何賂賊為
賊怒縛之在乃聖廟射愈奮罵不置遂遇害

趙文炯字野雲生而穎異始入蒙塾即能強記稍
長自攻苦刻勵為文奇峭高古跨宿儒上嘉慶
庚申領歲薦庚午授吳江縣丞耻為俗吏日效
藍田丞吟哦松下以詩酒為事及歸惟載盆檜
一株布襪外無餘物也有十年跋涉天涯外羸
得清風兩袖還之句旋里杜門日惟以教子弟
為事壽七十四歲卒兩子堪增先後成名進士
為循吏蓋信公之庭訓為不誣云崇祀鄉賢
郭凝鼎字開澣生而岐嶷狀貌魁梧敦孝友尚氣
節登崇禎戊辰進士初授任 令邑近帝都多

中貴肆行難治公執法不少屈中貴皆斂跡後
有兵變率人守禦惟豪奴不遵約束公一以軍
法從事遂無敢違令者城賴以全因調繁遵化
時邑當殘破後十室九空公力請發粟賑濟邑
賴全活後以忤權貴被劾歸里及權貴敗復起
為六合縣令未赴任而大兵臨汶或有勸速避
者公慨然曰此父母之邦也可臨難棄之乎遂
率僮僕登陴及城陷公殉焉邑紳士皆為之感
泣云

郭萬程字孟白大司空朝寘從孫也以貢授中書

舍人時魏客表裏為奸陷害忠良朝臣秘謀參
劾無敢出首者公慨然曰大丈夫視死如歸何
怯焉竟列疏上之觸奸怒內批以小臣出班言
事廷杖削籍崇禎改元奸黨伏法公以邊材起
用授南京團練副總戎遷新水師提督為忌者
所中罷歸流寇犯闕詔百官勤王授公山東協
鎮謀畫未就北都失陷賊帥郭升過汶執公不
屈死之公遇害時子懋趾抱父號呼求代賊憐
其孝釋弗殺以故得殮公屍歸葬焉

王虛白字若谷萬曆戊午舉人崇禎辛未進士

任陝西洋縣直隸任長垣三縣俱有惠政行
 取工部主事歷員外郎中授江南廬州府知府
 兼攝安廬道事公為諸生時學德兼脩本學舉
 優行學憲以儒業優行獎之居官則以愛民養
 士為心歷任不移各縣及廬州府皆有生祠誠
 鄉之良士國之循吏也崇祀鄉賢

郭士楨字季雅博學能文風度凝然歲薦入都
 濟寧時貴欲見之人曰速投刺推知可得也公
 竟弗屈遂試中卷以光祿署正老崇祀鄉賢

郭士棟字隆基六司空之從堂孫也弱冠食饑
 舉于鄉弗售乃益篤志於學闡明心性之旨後
 學咸宗之壬午東兵至公守東城而兵自西城
 入公揮戈力戰不支乃自刎

郭士奇字鉉國大司空之孫也少有大志駿發不
 羣耽嗜詩書兼諳韜畧天啓壬戌白蓮教倡亂
 陷鄆邑破滕據鄒遠邇洶洶公獻平妖十議撫
 軍趙公嘉之許以諸生從戎公破產募壯士五
 百餘自號忠義營直抵鄒邑遇賊三戰三捷賊
 懼不敢出賊據嶧山公設計奮勇登山搗其巢
 穴賊遂潰計窮出降元兇就擒撫軍上其功授

後軍都督府都事陞西曹主政遷廣西司郎中
調兵部職方司郎中奉旨提督西洋火藥局局
中漏火公肢體受傷蒙溫旨回籍調理辛巳歲
饑土寇蜂起公奮力捍禦城得保全賊平特授
鳳陽監軍道副使甫拜命具疏陳破闖十二議
以觸怒當事落職後壬午東兵臨城正指揮戰
守而城陷公獨與仲子明睿踰濠格闖力緝皆
遇害父死忠子死孝至今傳頌凜凜如生焉
趙堪字遜之增之胞兄也生而穎異丰姿瓌偉
幼承父命繼仲父嗣以孝聞崇禎癸丑舉於鄉

甲戌成進士除授翼城令翼新遭寇氛公下車
撫循勞來日與咻其民均徭除蠹不少寬假一
時畏若神明暇則課士若嚴師是科中式者八
人文風丕振又以流寇時警造炮具備器械勞
劇過甚卒於官翼民立祠祀之入翼城名宦崇
祀鄉賢

劉桂字蘭臺任光祿寺署丞內篤孝友外盡忠
誠家有餘財未嘗自私生平周急恤窮捐粟施
塚被德者甚衆三舉鄉飲大賓崇祀鄉賢長子
允達早食郡餼純孝性成父亡哀痛不輟七日

食不下咽因病頽次子允徵任中書舍人值東
土饑荒奉 命賑濟實心任事務使貧民均沾
實惠事竣復 命途遇寇變被害邑人至今稱
述謂均不媿爲忠孝賢裔云

濟

趙

增字無損別號講村邑次 村人早歲中副
車貢於廷戊戌捷南宮初除晉之安邑令再補
福建閩縣所至撫民育士著循聲其在閩也值
閩變初平元氣未復綏輯尤切甫歲餘卽膺兵
曹督捕之權在部數年務尙安靜不事株連每

獄案成同列悉爲歎服尋引疾歸里帷築園莖
花以課督子弟爲事又喜吟咏凡生平閱歷以
及登臨眺覽悉發之於詩皆足以窺其居心制
行之端壽八十六歲歿列晉閩名宦崇祀鄉賢
衡虞衡字汝諧生而醇正誦讀不輟己亥成進士
筮仕河南固始縣寬厚愛人以不事上官罷歸
行李蕭然環堵如故夜無燈火猶時對月朗誦
開館受徒邑中受業成就者多人性嗜酒不計
美惡酣暢爲度有元亮之風子岳秀岳九均列
岸食餼以忠厚世其家

路允修字萬備號東臯迎之玄孫周道之子也以
 恩貢授江南常州府通判居官以廉潔自守愛
 民為心自奉儉薄一物不妄取陞淮安同知清
 察惠政無改於前適奉公赴都櫻疾遂予告歸
 里公為闕閥世家而謙退溫恭絕無統綺習氣
 復慷慨好義萬曆乙卯邑大饑傾所蓄以賑全
 活甚眾崇禎辛巳復大饑餓殍載道公偕弟允
 齋設廠北郭煮粥以濟就食者數千人凡六閱
 月所費不貲時米價騰踴復減價糶之病者給
 以藥死者給以棺暴露者掩以土好喜樂施事

不勝紀歿之日遠近哭奠者數千人復立石北

門外以垂水火明刑部侍郎莆田王家彦有過

汶上豚路東臯賑饑詩并序兩饗鄉飲大有崇

徐國弼字賓良拔貢生城琰之父自幼沉酣典籍

以端重見知於王垣山先生常以大任期之屢

試弗售因肆力問學誠於誨人多所成就士類

仰之

徐振文號理鉉南平知縣成珠父也秉性質朴孝

友純篤喜賑施樂排解布衣簡素遇之者不識

其為封翁也壽八十五談笑而終

岳崇功號菊菴天性孝友舉動合禮鄉里咸尊式
之子峯秀宰封丘隨養署中值公壽民感宰德
造銀仙爲公壽公力却之曰吾教子不貪而乃
受此烏乎可皆歎息而去峯秀累官廉潔首公
教成之也又平生好生雖昆蟲草木皆不忍傷
年八十六以無疾終

路允釐字張維允修弟也以捐穀賑饑特恩貢
事繼母甚孝待異母弟如同胞五兄早逝推贖
產金錢以贍其孤三兄歿其子復早逝遺姪孫
二人皆爲撫養成立焉晚歲益崇節儉一物不

輕用而捐施周濟則罔所惜屢舉鄉飲賓崇祀

鄉賢

何廣字環珠甲午舉人已亥進士職性仁孝年
九歲遭時荒歉雙親老憊自負米布拮供膳雙
親賴之雖成人不逮也父亡竭力禮葬稍長攻
苦詩書奉養老母恭事長兄十餘年不懈登第
筮仕豐令釐奸剔弊豪猾斂跡又善藥醫無隱
不晰士民懾服誠鄉國之羽翼也
戴名振字奇珍號蜀巖登庚戌進士舊任浙之縉
雲令多惠政行取以部曹用甫除戶部三事而

捐館人皆惜之

路衍祐字申之訥齋其別號也爲大司馬五世孫
淮陽同知允修子至性純孝步履端方篤友于
敦嫺睦人皆以陳仲弓王彥方稱之尤留心掌
故博聞多識爲一邑文獻表帥北遊燕臺見道
多枯骨悉僱人掩埋斧資蕩然不慮也復完心
岐黃得其闡與有問疾者投以方藥無不奇中
人之名益噪求者益衆不計貴賤貧富晝夜應
之不厭藥暴之費歲耗多金初艱於嗣至七奏
始舉子猶及見其婚娶成立咸謂爲積德之報

云兩舉鄉飲室崇祀鄉賢

路衍淳字子復亦字敦夫別號樗菴衍祐弟也賦
性慈良制行長厚與兄稱二難焉執經之暇兼
精詩古文辭隨父毘陵任伯母病歿於署時道
路梗塞不能扶襯北旋遂藁葬宜興因移居墓
次晨昏泣奠旋里後日周旋老父膝下不暫離
戍戍以明經貢於廷有勸之仕者曰吾豈以薄
祿疎定省耶兩罹大喪戚易交致殮葬如禮終
工隙池遠近焉墓妙者綾箋淮盈几案興至
毫頃刻都盡得之者無不拱壁珍之庚午夏

暑江南扶母襁還將拮据葬事以衰年勞瘁
櫻篤疾未及襄事而歿鄉人私謚爲文孝先生
崇祀鄉賢所著有展誠齋詩集并玉馬珮詞
行於世以子貴誥封

王瑞字冲華天性孝友早歲祇父恭兄事之如
禮長而醇篤勤學文冠諸生後以歲進士授江
西瑞昌訓導課士有方督率惟勤上憲重其品
三晉縣業興利除弊能決疑獄士民感之爲立
教諭悉心作養如在瑞昌時再
休壽九十有四歲卒

岳大武字和周幼以孝友稱入庠公舉孝行學使
者深優異之明末寇亂壓境挺身入賊壘爲陳
說大義賊素重之遂解去衆賴以安甲申聞闖
賊入據京師與友人匿深山中誓不出時平旋
家不出里門置義田贍族人儲粟濟乏設塾廣
教遠近被澤者甚衆其曾孫芝於康熙乙酉舉
於鄉人皆以爲積善之報所著有清河集行世
岳峯秀字鎮九號克亭領辛卯鄉薦登辛丑進士
初仕河南封令以實心行實政頌聲大作六
年秩滿以卓異內擢禮科給事中旋晉掌刑垣

汝州縣志 卷之四
篆前後章數十上無非爲國爲民剴切詳明大臣皆歎服之監督寶源寶泉兩局一秉公忠釁鑄夙弊爲之一清尋援例遷葬引疾不出築小圃結茅其中日繙閱書史闡明絕學遠近之士景從者奔赴成市又凡可以利人濟物者行之不遺餘力晚著勸善恒言數十則并刻古格言爲人勸誘人皆化之崇祀鄉賢

高良士熊之子當壬午之變父罵賊死母祝氏以不辱投井死士年方十歲被擄閉與室中後以計脫入城見父母俱被害慟絕仆地尋見弟妹

抱而泣携之返張秋于是寄弟妹鬻婢僕購棺爲父母殮殮計時屢肆寥落有以缺角舊扉爲棺者市之返壽張哀叩鄰里入井求母不獲悲憤長號以繩自繫縋而下呼天入水竟抱母屍出與父骸同殮寄厝城趾以十歲之童具此血性宜路人爲之垂泣也遊泮後歸鄉鬻田置棺期移襯於故里值壬辰黃河衝決之後沮洳不辨瘞處號泣雖尋三晝夜不息血誠所感雖忽有聲啓土見棺則缺角宛然在也遷厝濼河之村時貧甚無以葬癸卯舉於鄉又十餘年乃卜

葬襄事不遺餘力而泣血無聲幾於滅性遠近知名士來弔者莫不感動云初署張諭遷安東授惟捐修學宮課諸生行藝束脯不屑計也庚申濟屬大饑撫軍檄委放齊東濱州蒲臺霽化四縣倉穀并煮粥以賑至則實心查覈胥吏莫欺饑民得沾實惠全活甚衆陞國子助教一官冷落歸不聊生有詩文藁未刻行

張六部字京宜生而英敏千言立就丙戌舉於鄉聯登丁亥進士出宰陝之寶雞邑爲南北孔道又土著者半新招逆黨動見掣肘公剛柔互用

如弊悉絕又驛站協濟民苦不支公力爲申處民困以寬後爲恙者所中遂掛冠歸惟閉戶課子弟以誘進後學爲事甲辰海寇鳴張科臣薦公才可大用議推監軍道命甫下而公捐館人皆惜之自命漢鼎字慶遠士楨第六子天姿穎悟性嗜詩書時兵燹之後典籍殘闕公獨旁搜遠稽爲時名儒數奇不售觀光太學生平清介自持足不履公庭而忠厚和平口不道人過推舉鄉飲賓一時士論翕然服之長子兆麒例補翰日以情深

愛日不肯仕次子兆鳳現任毆寧令公之後福
正未有艾云

王辟疆字羽修尚寶卿命新仲子服習庭訓以理
學世其家明末寇亂携家他避夜行悞入賊壘
賊素重其名東炬導送之事平旋壘爲族衆輸
命甫逋家遂中落至授徒以自給掌憲青州房公可
壯稔其學欲薦之凡三勸駕不肯出時喪亂切
平喪祭禮儀多不率古乃刻家禮儀節以爲
士大夫多取法焉邑令汪公欲延爲鄉飲賓謙
退不就益重之七十五歲卒

趙銳字穎先翼城令堪之子英異不羣孝友兼
敦弱冠而孤遭世變流離遷避艱辛備歷而奉
養老母無少缺時平歸里能復舊業其才可見
矣夙擅文名下筆滔滔不竭年二十八歲成歲
進士遠近傳其文爲式後授萊州府訓導未仕
卒士林惜之

路光岱字雲麓領癸卯鄉薦授雲南易門令字平
醇良樂易與人無忤而好善喜施留心時事又
精堪輿凡山水情形無不深悉所著汶城議山
川議土田議一冊圖議詳明續修邑乘多採入

焉居官則宣揚

聖諭嚴禁苞苴興利除弊盡心教養惠政多端未竟厥施卒於署崇祀易門名宦

杜若蘭字蘅洲歲貢生天性孝友值歲歉以美食供父母及兩幼弟而自甘粗糲且排難解紛恤孤憐貧皆爲人所不能爲由是鄉黨欽服共稱爲邑士仁人焉

郭文亮字炳星震櫬子也賦質英奇秉性孝友年十二隨父訓導公於陵縣歲餘訓導公捐館哀毀盡禮徒跣數百里扶視而歸時土寇蜂起經

行綠林叢中哀感群盜竟無犯者抵里後無力襄事乃寢處柩側勵志攻苦既采芹丁明季之變念三兄早歿一兄被擄親喪未葬孤姪未成立獨以一身支持事皆就緒且篤親念故人莫不敬而愛之晚好施與多義舉如修學宮葺奎樓繕橋梁濟饑掩骼難更僕數子兆垣成進士爲邑令皆公積累之報也崇祀鄉賢

趙鑄字象九生而厚重不佻幼失恃隨父走東西艱苦備歷長補弟子員事繼母盡孝家徒四壁立力田供養殮弗少缺父歿撫三幼弟一妹

友愛篤至其待從兄弟亦敦友于如同胞讓產
諸弟而自拮据以致殷實鄰里姻戚咸沐恩義
督學周特觀優行殆古仁人君子之儔與

趙璠字仲聲號西園翼城令堪之孫萊州府訓
導銳之子也四歲失怙稍長就外傳端重不佻
事必咨母而後行不則咨於長兄孝友之稱早
歲洋溢補郡庠弟子員屢試冠軍文名震一時
著四字文訣爲後學法式壬午以第二人舉於
鄉居家持正不阿士林重之方期共扶搖益上
而遽赴玉樓之召惜哉有英詩集并小題四行世

向其襁褓貢生賦性孝友居心仁愛人稱厚德
任堂庠惟以修學官育人才爲事所入常不
以自供業之人士至今思之

馮繼曾字宗魯幼而岐嶷潛心學問出筆驚
辛卯選拔授平江知縣時西征軍興供給騷
民不堪命公多方籌畫省費不貲民賴以甦予
江士民至今歌思之

李方明童年孝友少孤事伯父母如父母愛堂弟
如胞弟遇宗族鄉黨無所忤誘進後學循循不
倦本學扁旌曰四科首選洵實錄也羣惜其僅

以明經老焉

路松年字承甫生性孝友天資仁厚冲年入庠家
鮮遺業苦志誦讀事母盡孝長兄早亡無嗣以
祀子爲之繼又好義樂施汶河水決首倡義舉
築堤捍衛永免水患洎筮仕同安愛民禮士修
朱子祠四關各設義學闔邑士庶莫不感頌告
致旋里年七十以壽終

路衍豫字子順以貢監候選縣佐天性仁孝友愛
備至幼失恃庶母沈氏鞠之長事庶母如母四
伯無嗣寄視荒園者六十年借諸姪備禮葬之
祖塋待羣從兄弟悉若同胞又自處謙和待人
寬恕從不爲訛語欺人遠近悉愛慕之

郭震樾字聚五乎午歲貢任陵縣訓導爲人孝弟
慈祥與物無忤髫年能文工書弟士棟殉難後
遺產頗豐悉讓諸弟姪無所問居官誠於誨人
視士如子有一生誤陷於獄公力爲請免後以
數金爲壽公力却之署縣事有扞城功上官方
欲保薦而公以年老告歸以壽終邑人思其德
公請崇祀鄉賢

王鵬程字自溟潛心詩書學問優長兼輕財好施

被德者至今感之以歲貢司訓在平除月課諸生外創立義學凡生童貧不能習業者悉領私囊贍資督課一時成就多人年八十五卒於官闔學士子無不哀痛哭送足以徵公德教之所感矣

闕翼典登州教授補宸之子也幼有至性格遵庭訓讀書以實行自勵諸姪早孤撫之如子開館受徒一以躬行倡率故從學者多爲端人惜其未獲展用以明經老焉

武功附

房天馴以墾荒有功授高臺所守禦千總髫年盡孝居官盡職且能興起文事實心愛民誠武功之表表者用附賢忠之後以彰遺德

劉爾變賦姿英偉秉性寬仁生平濟急扶危排難解紛事難屈指數常願人安而已乃安年雖老而志不衰德積於身報彰於後以長子汝遠貴封宣武將軍長孫錦亦任浙江烏程邑令乃躬膺榮貴而接人益恭享年八十九歲稱爲義士仁人何愧焉

趙澤因堪之子以增生入大學廣教育喜施濟惠

義之風有足多者

孝義

馬 粲邑庠生父繼曾任平江令卒於官值三藩
告變不能奔喪乃設位於廬晝夜號泣亂少平
卽徒步出門間關兩月始達訪旅襯不得泣欲
死遇老門役乃會事其父者指示之滴血以驗
昇以行道遇餘孽掠其資昇夫悉逃計無復之
乃火化納竹籠中負以行是役也徒跣往返
六千餘里棲無襪被行乏裹糧囚首跣足幾死
者數非天祐純孝幾何不作他鄉鬼也卒使旅
宦遊竟得歸首 宜通國共推其孝云

張仲泰庚子科武舉人大受次子也父奉 差赴
滇仲泰從焉父病卒於汴水驛殮畢納棺父同
差者勸之曰去家萬里扶襯良難不如從北俗
火化囊負而歸至便也仲泰泣不忍卒以棺歸
每飲食或過山渡河必跪告如事生抵家盡出
父餘貲無所私一切家事獨以身理俾兄弟皆
得肆力於學及一兄兩弟皆入庠同舉終身怡
怡無間真不愧孝友二字云

李霽霄賦性淳龐胛襟曠達生平好義樂施其大
者如捐粟賑荒築堤護田代貧人輸賦免其贖
子不可枚舉宜乎善人義士之稱遠近傳頌也
前邑令甘謚以懿惠并爲文以表其墓亦不沒
人善之意云

侯輔世邑鄉耆也父名其新係庠生爲豪家誣害
繫獄輔世年甫成童痛父非辜赴官哀求再四
願以身代當事憐其孝爲雪寃得脫時家貧如
洗而竭力奉養不少缺年至頌白猶然孺慕之
誠又善撫幼弟延師受業早年遊泮一叔早亡
遺一子并爲保養成立使守其業孝友之風真
不愧古人矣

宋淑琬天性孝友善事繼母母亦視若已出敬事
兄長有事必竭力助之兄歿視姪及姪孫撫育
有加又好施與壬午大饑量出所有賑濟鄉鄰
賴以存活者甚多今年已九十有五而壯健猶
昔子孫盈庭或游泮官或登鸞薦邑人悉頌爲
積善之家餘慶不爽焉

趙堦文炯之子補增廣生志甘淡泊兄及弟皆遠
任獨居家事親敬養備至終身遵遺訓弗忘焉

辛秉和秉恒兄弟俱邑庠生家傳孝友四世同居
家口百餘從無間言唐之張公宋之鄭氏不是
過矣當明季凶荒流離滿目生兄弟施粥捐粟
全括甚衆時土寇肆行搶掠復築堡禦難鄉里
多賴以自存而且葬殉忠之邑侯恤貧宦之亡
友德義益隆墳篋齊美洵士林之模範足永垂
不朽者也以下續入賢忠

梁國柱劉許地方鄉民也天性孝友家雖貧孝養
雙親常變不二親沒廬于墓側不忍離掬土築
墳崇高如一年八十七卒次子忠能繼父行親

病晝夜待奉飲食湯藥必嘗而進及親歿朝夕
哭於墓側三年未嘗一至其家國柱行孝於前
忠又承之於後是可以媿夫世之讀詩書知禮
義者矣一門雙德輿論信不誣云

路周道字遵治大司馬迎之曾孫也賦性仁孝苦
志吟哦髫齡卽出筆驚人稱名下士後登萬曆
戊戌進士筮仕直隸清豐令水菓自持毫不可
干以私歷任刑工兩曹咸稱厥職及陞湖廣藩
叅屬吏素稔公威名無不悚惕奉法稜稜風節
蓋始終不替云歸居林下雅意造士廣起書院

招集四方名士一時掇巍科者多出其門焉

王所賓邑歲貢生幼有至性仁孝夙成值明季之
變四郊寇攘不避艱險負父竊逃及遇賊梗哀
號願代父死寇亦感其孝釋之迨承平歸里蓄
積頗豐值康熙四年汶大饑餓殍滿道公捐糧
千餘石全活多人享年九十餘歲而歿鄉人士
至今傳頌弗衰也

趙銑字石生督捕主政增之仲子也生而倜儻有
器識廣交樂施絕無貴介習氣膺歲薦隨父安
邑署中事無巨細悉代父籌畫至嘔血不言瘁

兄鉅艱於嗣以已子繼之無難色病甚旋里及疾革仰天號曰兒終不得見父矣越夕父以任滿歸家既相見遂瞑目而逝人咸謂誠孝所感云

林宗義字仲路邑太學生茂名知縣盛梅之次子幼而岐嶷成童即善承父訓勵志問學文聲震一時以隨父遠宦遂屈就太學非其志也待父官署一切皆殫心經理毫無所私及父病卒於任義以清白吏子扶柩旋里僅給衣食而周急濟貧樂施不怠潛跡田園日惟課訓子孫更念

三弟之嗣以一孫繼之其孝友好義均足風世

趙錡邑庠生少孤母董氏痛夫成疾生百計奉侍冀得其歡并破產以營醫藥晝夜候侍不稍懈母歿葬祭悉如禮哀戚逾常人兩兄皆異母產事之甚恭一弟尙幼撫恤彌篤其敦友于也悉孝心之所推也前任知縣汪以純孝旌之蓋不誣云

劉國理邑庠生幼聰穎異常董孩提時即能得親心冠娶後父母委以家事一切曲意承志無稍

拂父母病晝夜侍湯藥衣不解帶及親歿哀毀
骨立見者莫不哀而敬之二弟早亡子俱幼生
撫恤備至後俱成立克繼家聲前任知縣應
給扁旌曰純孝可風邑縉紳先生咸爲序以傳
之誠堪爲人士矜式也

趙淵太學生少孤與妻徐氏事母克孝恤弟殫誠
能使仲弟瑤成名季弟濟有後大節炳昭他可
知矣

趙鈺太學生孝事繼母友于昆弟育寒士以成名
卹貧乏而還產胞叔講村以樂善從吾好不欺

寄籍賢忠

孔衍鈺字泗寰 至聖六十六代孫自其祖貞寧
移家汶邑再傳而誕公居心坦易賦性豪邁遇
人有過輒面折之胸無留滯也親友有急難則
扶掖不倦 國初補太常博士主鬯聖澤書院
受事之後整廟貌肅明禋供職之外絕不與外
事至利弊所關則侃侃而陳無所忌邑宰皆敬
禮之公年十九卽失怙時有弟四人及兄之孤
皆幼穉公於兵荒饑疫間奉萱堂撫弟皆無遺
憾年五十猶股孺慕母病籲天求代躬親侍奉

一切不假手僕婢及丁內艱擗踊哀號晝夜不絕弔者見其瘠毀無不嘖嘖稱孝焉七十五歲告終鄉黨莫不哀慟後請於上憲崇祀鄉賢

孔毓珍字席玉 至聖六十七代孫四歲失怙郎

知悲泣稍長端凝沉靜不苟言笑識者以大器目之後以恩貢授直隸保定府通判時于公成龍巡撫畿輔以公清勤數以盤錯試之公牒到即行案無留牘在任七年六攝劇邑實心實政從不肯以五日京兆自待年三十六歲歿于官空囊無以脩棺殮賴上憲同官及士民賻助老

母弱孤始能扶襯返里焉

孔興洪字涵萬 至聖六十七代孫由恩蔭筮仕

陝之商州牧廉明子惠士庶感頌內擢刑部員外郎馬首北矣適關中兵變將軍圖海奉

命徂征廉知公能會督撫交章題留為平慶道司餉軍前徵調支發不勞而辦行間士賴之無庚癸呼事平計功以丁祖母艱回籍服闋補江南江鎮常道整躬率屬百寮聳畏兩攝藩政一署蹇務端方自持無毫髮私陞直隸口北道副使兵戢民安循聲徹 輦轂間蒞任半載即有聞

臬之擢惜乎叱馭江行竟罹覆舟之慘碩抱未
展時論痛之曲汝兩邑皆祀鄉賢

孔興榮字華先 至聖六十六代孫賦性仁孝六

歲失恃悲痛逾成人年十九以 恩授國子監

學錄供尼山祀事立品端方遠邇傳頌壬午之

變士寇猖獗皆相戒勿犯其第且素抱經畧為

邑令鍾公陳禦寇之策行之畢效全活多人邑

賴以安課子姪嚴而有法長子毓璽襲公職克

紹前徽次子毓基以 恩授枝江令有善政行

取候補皆公庭訓所貽也年七十四而卒

蕃衍人皆謂福善之報云

孔興義字君方 至聖六十六代孫儀質魁梧慷

慨有大志由恩蔭初任揚州通判值兵變薄城

一時鬲沸公竭力禦禦籌畫有方賴以無虞事

平以能調大同府中路通判地逼京畿夙號險

隘公悉心釐剔遂成坦途任三年賢聲大著會

丁王母艱回籍服闋遽以疾卒惜哉

孔毓璋字鳴石 至聖六十七代孫器宇軒爽賦

志不凡由恩貢筮仕江寧府北捕通判興華綏

靖賢聲丕著以督臺薦陞昌平知州地近畿甸

爲立嗣氏領之珮甫娶明經女劉氏復天何與
劉閉戶爲自盡計翁姑環泣謀以幼子寄養伯
氏與二媳偕死焉氏不得已暫出奉養旣而謀
於劉曰我兩人俱失所天何以生爲然翁姑憊
矣不可以失養汝健而才能事二人我孱質也
宜一死以明志會值璲三週忌氏治具奠於墓
還而自經閱歲劉氏亦鬱鬱病歿後直指表其
門爲一門雙節焉

李氏尙寶卿王公之冢婦也夫元中櫻疾垂危氏
諭梓人制棺者曰淵之令可容吾兩人由是人
知其必死聞於妻父曰真吾女也聽之及元中
卒氏一慟之餘從容投環時萬曆丁巳冬也邑
人士屢爲請表尙寶公曰吾門素風耳詎望旌
哉洎尙寶公歿始聞於各憲撫軍題其墓曰奇
節可風復爲繕疏請旌

樊氏王尙寶公側室也性婉嫻善接事上下王公
疾革氏預告以相殉遂謝絕飲食閱六日公歿
闔戶自縊家人破壁救甦泣曰若輩知生我不
知成我也主母命所生女豈泣留之不顧竟投
繯而逝時年二十八歲抱衾襦而賦烈腸更足

多焉

郭氏貢生郭衡藻長女贈按察僉事孔衍銘妻也
幼嫻女則于歸後以賢孝稱壬午師破汝城衍
銘被殺氏伏屍號泣且奮罵殺其夫者求與俱
死兵義之不忍殺氏坐卧屍所不少離兵退家
人逃散獨力脫簪珥市棺以殮夫屍時年二十
七也遭世變家中落則勤紡績治女工以上奉
孀姑下撫遺孤卒能教子成立爲名臣通國推
母儀焉

焦氏馬乾吾副室也嫡生二女無子焦氏生子纔
數月而乾吾歿時焦氏方二十餘歲嫡病垂危
嗚二女曰汝二人必勿我死事焦如母二女泣諾
及母歿女以母事焦如退不敢當事乾吾老母彌
謹撫養嫡女無或不周教其子慈而嚴又善持
家日益殷富邑人列其行事請旌誤稱繼室氏
恚不受復據實改正年八十餘歿邑人麗主政
王尙寶皆有詩弔之尙寶併贈以序言見藝文
曹氏明中書舍人劉先徵之妻先徵爲寇所害氏
聞變卽投井自殞皎皎烈腸固至今如生也

烈女郭氏歲貢生郭衡藻三女也許字王尙寶公

三男爲妻未娶而夫歿氏自殲焉節烈固難得之十五歲室女更足多矣按院上其事於朝敕旌之有未室烈女郭娥之門在賈伯村郭氏家廟之東

王氏路如丹妻丙子孝廉王公賢之曾孫女也如丹病亡氏方二十歲誓以死從柩親老子幼勉聽翁姑命茹荼拮据不辭艱辛養親撫孤年六十餘以疾終

趙氏路鵬起妻堪之女也年二十餘歲而夫故一子方幼堅志守節撫孤子衍慶入庠生二子次爾其亦入庠經歷艱苦五十餘年年八十而終胡氏歲貢生趙銳妻堪子婦也年二十八歲而寡撫三子皆讀書有成事八十老姑始終無懈戊申地震時闔家居樓上轟聲如雷磚瓦飛動人皆逃避氏獨以身蔽姑幼子啼於旁不顧也俄而樓崩氏被壓死者姑獲全其幼子徧體打傷竟不死後聞于縣蒙旌獎焉

王氏尙寶公之孫女滿李聖植爲妻聖植遭明季之亂承憲委捉賊証陷寃死時氏方二十一歲日夜痛泣逾兩月生一遺腹子喜夫有嗣多方

保護後避難遇賊恐受辱遂舍子地上投井中
幸水淺不死迫出并覓子已不見矣痛哭訪之
越二年始得撫養成立爲之娶妻丁氏三年生
一孫子復死丁年二十歲氏痛欲絕又念孫未
周而媳少哭謂丁曰我與若俱恃此子矣卽李
氏一脉亦惟恃此丁矣若能善撫之否丁亦哭
告姑曰姑今雖無丁我斷不令姑再無婦也遂
盡力奉姑守志撫丁兩世苦節輝映水霜真堪
嘉芳百世現今子一縷繩繩知苦節之報不爽也
李氏 童林 煥妻 十九歲于歸越一載而煥病

氏侍奉惟謹後見夫必不起卽誓死不移及夫
王歿視含殮畢卽自縊于側始從容就義者欵
李氏庠生王士旂妻時值兵變士旂被害氏時二
十七歲立志守節奉翁姑撫幼子姑李氏病卧
三年氏躬侍湯藥晝夜辛勤再事繼姑陳氏亦
然連歲艱苦萬端撫育二子慈誨交至長子
鵬舉名列泮宮次子鵬里亦成德器人皆重之
徐氏貢生趙銑妻增之仲子婦也銑歿氏二十九
歲生二子二女立志守節奉事翁姑撫養子女
慈而嚴子泮湛俱成立補弟子員二女皆有家

年六十餘歲仍勤苦不倦以壽終
于氏生員高良謨妻十五歲于歸二十一歲而夫
故氏誓以身殉絕粒數日乘防護稍踈竟自經
死直指奏於朝奉 旨旌表建坊沙河涯墓前
祝氏生員高熊之妻年二十六歲隨夫居壽張壬
午城陷熊遇害氏慷慨臨井子女四人皆挽衣
哭留氏揮手曰汝等速逃生我惟有一死遂投
井事載壽張志

王民生員高良棟妻壬午居壽張城陷乃以幼子
授乳媪并給金一錠曰好携持之高門有後不
汝忘王氏爲祝氏姪婦與祝同投一井死後壽

張公扁其門曰一門雙節

以鄉民王虛誠妻十五歲于歸二十一而喪偶
時值兵荒携一子一女東西流離拾草子以自
活事平拮据撫孤竟易農而爲儒不惟克存夫
後而且再造夫家享年九十二歲天之報苦節
爲不爽矣

高氏鄉民尙起蛟妻也起蛟兄弟五人遭繼母之
虐已殺其四矣起蛟懼不免逃之河南氏方少
有子四齡日爲姑所陵避之母家起蛟永無音

耗氏食貧茹荼撫孤成家守節七十餘年至九十九歲而終

烈女郭氏貢生郭衡藻女十五歲許聘高夢弼為妻未婚而夢弼卒女悲泣絕餐誓必死父母防之屢欲縊不得閱十餘日以頭觸地氣遂絕齧齡弱質矢皎日而殉同穴不足媿鬚眉丈夫哉若姊若弟烈出萬一門尤為難矣巡按奏聞奉旨援例給銀建坊表其墓曰未室烈女高夢弼妻郭氏墓在次
康北村郭氏家廟旁

劉氏生王嘉賓妻崇禎壬午嘉賓歿於兵氏年

二十九歲聞夫亡

猶在堂泣論之

一子一女皆未成

命忍荼自守躬績紡以供菽水

者奉翁而子女則僅免饑寒而已

而欽其孝今其孫及曾孫皆列

之

之所貽也

龍氏高大運妻也夫運卒氏二十歲為有遺腹不

死閱月生子念夫有嗣且翁姑老矣即死誰為事誰為育者遂堅心守志歷三年翁姑相繼歿

時頻罹荒亂家業凋零以一身携稚子拮据喪
葬備極艱苦後教子成人苦節五十一年而歿
張氏鄉民高磊妻娶七年而磊歿氏時二十三歲
守一子一女以居夫兄睨其產屢逼改適不從
後子亡兄乃合匪棍強嫁之給氏出掖之驢上
至野見人衆覺其詐遂大呼觸地披髮以死拒
之路人聞于其弟志誠率族衆奪回欲鳴官弗
果惜貧落不能自存賴志誠贖養終身得全其
節焉邑進士兵部主事趙公捐率紳士公福其
門曰苦志矢天

曹氏廩生郭明培妻壬午之變明膚殉難時外傷
內患叠遭不測氏歷盡艱辛卒撫孤有成年八
十以壽終

楊氏庠生郭維禹妻壬午維禹殉難氏年

志撫子克守祖業子兆瑞入庠承宣領壬午鄉薦

檀氏庠生郭愛鼎妻愛鼎殉壬午之難氏年二十

志苦守撫兩男一女紡績自給壽終期頤邑人多之

張氏邑人郭文毅妻壬午兵變文毅被掠去氏方

十九歲子懋功尙未週氏保拙逃竄備歷辛苦

卒底成立歷年七十而卒知縣王瑄實詳旌未下

續氏賢裔榮光先妻結褵二月值兵火之變盜入室欲害其姑氏以身救至重被刃傷不顧也盜感其孝並釋之無何夫死貧無以葬氏典質衣飾竭力襄事貧窘莫措則晝夜紡績採薪以養姑撫孤守節六十餘年年八十四歲終

韓氏邑人夏三友妻二十而寡無子家甚貧紡織自食苦守五十餘載詩云之死靡他氏之謂矣孫氏儒童劉沿妻嫁二載夫死止生一女年方二十甘心守志歸寧母家父母以姑息之愛為謀他適氏聞之不及回夫家即自縊一死完行雖

氏自縊於

氏自縊於

夫歿于兵欲擄氏捨地奮罵兵欲殺之則延頸迎刃無怖色兵義之曰真烈婦也釋之且解所佩刃懸于門以戒後來者越數日兵退乃携刃去同室婦女四人皆賴以全

姬氏鄉民王廷奇妻未二十而夫死守節撫孤姑欲奪其志堅不從家貧無以供朝夕晝夜紡績

以奉公姑者二十年撫子成立且有孫翁姑歿
棺殮殯葬悉氏拮据人皆欽其節孝焉

烈女王氏二人乃伯叔姊妹一為王應期女一為

王應昌女長未字幼方垂髫流賊過汶掠二女
扶之馬上長女罵不絕口賊剗其腸而死之幼

者亦泣不從賊賊並殺之有碑記見在文廟

壽氏歲貢生楊穀兒婦也未屆二十夫病垂危氏

誓以死從自結一繩及夫死氏即縊於側

鄉民張士俊妻年二十四歲夫亡無子剪髮

誓苦歷四十餘年而卒

郭氏生員房維垣妻年二十歲而夫歿立有一女閨

月餘產遺腹子一值壬午兵變饑寒流離備嘗

艱苦卒撫子成立邑令王公扁獎曰玉節冰操

王氏邑人房元妻年二十而夫歿無所出氏剪髮

隨葬復剪耳自誓公姑哀其志為嗣一子使撫

之

劉氏馬繼孟妻年二十二歲而寡撫一子一女奉

堂上兩世孀姑不避艱辛終始不渝邑令尚公

扁獎曰節比松筠

馮氏鄉民伊務敬妻壬午城破夫歿於兵氏年十

七歲矢志守節艱苦自勵撫孤成立歿後土聞
奉 旨旌其墓

姚氏童生張茂蘭妻夫故無所出誓從夫死父與
姑苦勸不從竟投繯焉時年二十二歲

楊氏生員闞翼經妻壬午寇亂欲虜之氏罵賊不
屈遂被殺

李氏邑人徐斌之妻二十九歲而寡有子方數月
氏矢志守節以奉姑撫子爲已任時比歲荒歉
菽水維艱親操作歷險阻以婦代子以母兼師
歷年六十餘歲而歿康熙乙未邑人士具呈上

請奉 旨給銀建坊以表其門

李氏儒童岳文運妻嫁之次年生一女而文運歿
姑以家貧且氏無子諷以改適不聽復授意其
母使勸之氏歸寧父母以爲言氏不待騎卽抱
女徒步至家泣拜姑曰旣不諒我何復苟延也
有間女呱呱於室姑往視之已雉頸死矣

烈女趙氏滋陽孝廉趙嵐暉女許配邑庠生郭升
聘之子年及笄矣郭生子遭繼母之虐出亡於
外七年不返其父謀於夫家別爲議婚不以告
女媒氏及新議者以聘來婢偶洩之遂給婢他

往鍵戶自經

烈女劉氏貢生劉國瑞女許字庠生路瑤之子酒元爲妻桃夭有期柏舟頓賦女于聞訃三日乘父母往弔遂自經於室

烈女劉氏鄉民劉嘉玉女許聘畢懋德爲婚未娶而夫故父母往弔女乘隙自盡於室

烈女陳氏陳士簡女許配徐蘭桂子秉宏父若翁皆鄉民也女未笄而秉弘歿女矢志殉節于夫歿之三日乘隙自縊而死

李氏主員郭世祿妻祿亡氏十九歲無子繼夫兄

翁姑撫三男四女皆克成立不媿節孝

路氏儒童徐克讓妻姝甫數月夫染篤疾氏知夫必不起遂告翁以相殉之意并歸家辭其母兩家知其必死預爲以護及夫歿數欲死皆賴家人救不得遂翁憐其志急爲立嗣冀以維之氏曰承翁意死何必今日也迨三週詣夫墓哭奠歸拜辭翁且馳告其母曰兒之遲遲其死者念吾夫早逝莫爲服三年喪者故暫留此身以侍香火耳今事畢矣敢辭遂絕粒九日而畢命

郭氏儒童徐廣恕妻如病危氏年十九誓矢柏舟

一果元 卷之四 三
恕喜強起謝之及夫歿苦志撫孤備歷艱辛教
子成立

劉氏鄉民崔旺命妻嫁二年而夫亡無子夫兄夫
婦皆故遺子二人長明桂三歲次明煥未及一
週氏以無倚之孀婦代爲撫育視猶子如己子
相依者四十六年迄今明桂兄弟子孫滿堂而
劉氏之皎節終身一日允堪入志以垂不朽

王氏岳峯奇妻奇死時氏年二十二歲子生僅二
歲初氏欲死翁姑諭以撫孤乃勉從命以奉親
撫子爲任名其子曰真示志也自是食貧作苦
刻苦不暇歷五十五年如一日知縣聞 給扁
旌獎復蒙撫憲題請奉

旨給銀建坊旌表其門

周氏邑人路青選妻青選歿氏年二十七無所出
氏矢志殉夫因夫柩未葬朝夕哭奠及次年冬
旣卜葬期氏於前一日自縊於柩側闔縣公舉
節烈本縣以死生全節扁獎之

公氏孔興仁妻氏年二十六歲興仁以恩蔭赴監
途次遇害氏聞之卽爲自裁計姑泣謂之曰我
已六旬汝孤方四歲汝死則老幼何所倚氏勉

從姑命孝慈兼盡子毓珍後以恩貢任上谷別
 駕能遵母訓善于嚙不幸父早逝遺子五人皆
 幼氏與子婦郭氏殷勤撫養不惟五孤成立且
 家計日豐壽八十而終遠近無不賢之

蔡氏馬雲路之妻氏年二十三歲夫歿上有衰親
 下有遺子氏誓守孤幃以盡仰事俯育之責時
 值饑饉雖丈夫不能濟而氏以青閨弱質獨力
 支持不惟節而且甘口矣壽八十七歲前邑令尙
 額其門曰遺節遐邇邑令應給扁曰霜操鶴等
 詞不誣云

何氏邑人馬珙之妻娶三載而珙故氏年十九歲
 念雙親在堂弱女在抱誓勵冰操翁姑憐其年
 少且無子命之他適氏矢志靡他雖貧窮不少
 移也壽九十歲卒節同松栢不足風歟

張氏鄉民于尙玉之繼室張文玉之女也尙玉病
 死上有老母下有前妻幼子氏年二十二歲決
 計養親撫孤不少移時值歲荒乃文玉迫于饑
 寒陰受楊姓金欲奪其志議既成以告氏氏念
 去則喪節不去則吾父何以謝楊氏乃號泣升
 車抵楊室郎托病入房見壁有懸刃遂取以自

列死後葬楊氏塋中袁家口閹官黃夜夢一婦人哀懇之有轉達縣主歸原夫墓之語閹官訪實爲言之康熙五十五年知縣聞喚其子問得其故隨捐俸令移柩合葬原夫之墓以成其志云

侯氏邑民楊培素妻十六歲而娶十九歲而寡無所出念翁姑老而無依又家計涼薄遂忍死日紡績以供菽水翁姑死拮据喪葬皆克襄事若氏者直可謂之苦節矣

程氏楊文林妻于歸三載而夫故時氏年二十歲何氏邑人馬珙之妻娶三載而珙故氏年十九歲念雙親在堂弱女在抱誓勵冰操翁姑憐其年少且無子命之他適氏矢志靡他雖貧窮不少移也壽九十歲卒節同松栢不足風歟

張氏鄉民于尙玉之繼室張文玉之女也尙玉病死上有老母下有前妻幼子氏年二十二歲決計養親撫孤不少移時植歲荒乃文玉迫于饑寒陰受楊姓金欲奪其志議旣成以告氏氏念去則喪節不去則吾父何以謝楊氏乃號泣升車抵楊室卽托病入房見壁有懸刃遂取以自

列死後葬楊氏塋中袁家口閹宦黃夜夢一婦人哀懇之有轉達縣主歸原夫墓之語閹官訪實為言之康熙五十五年知縣聞喚其子問得其故隨捐俸令移柩合葬原夫之墓以成其志

云

侯氏邑民楊培素妻十六歲而娶十九歲而寡無所出念翁姑老而無依又家計涼薄遂忍死日紡績以供菽水翁姑死拮据喪葬皆克襄事若氏者直可謂之苦節矣

程氏楊文林妻于歸三載而夫故時氏年二十歲

因有遺腹欲為夫延一綫之脉遂留身以事翁姑越五月果生一子矢志撫孤守節更傾囊勸翁娶妾以廣嗣姑病則祝神願代尤為婦人所難歷四十七年以終閭里無不傳頌焉知縣

給扁給銀建旌表其門

孫氏儒童劉謙之妻謙歿氏方十九歲為有遺腹不死後生一女遂奉姑撫女越十年以女付姑曰前之不死者恐以女累姑也今女漸成人媳將從夫地下矣姑委曲勸之不復歸家辭母即自盡于母家一死全節烈矣哉知縣聞據公呈給扁旌獎

王氏鄉民楊之俊妻年二十三歲而夫故時二親在堂雙雛在抱氏堅心守貞以盡孝慈屢遭飢荒艱苦萬狀氏百計支持卒使仰事俯育無缺歷四十年而歿鄉人莫不重之

路氏武生李如榭妻十八歲于歸二十五歲而寡盡孝公姑撫訓二子食貧作苦四十年如一日宜輿論共推其節孝也

李氏鄉民李彩妻也二十四歲而彩亡時舅毀姑存氏奉養克盡教其子淑白慈而嚴今淑白志著學序皆氏教誨力也

胡氏趙坤妻坤亡氏二十八歲無子止生二女志守節年六十餘而歿

曹氏庠生林瑞之妻二十五歲而夫亡苦志守節事老姑悉盡禮下撫弱子成立爲之娶妻李氏不幸子復夭殤李氏亦秉貞烈卽欲殉夫姑泣諭之曰我無倚若果有志何不且留撫女以俾我也氏遵命孝慈兼盡數十年來婆媳苦守紡織度日直不媿雙節矣閩邑公舉到縣知縣聞給扁旌獎

李氏鄉民王承寵妻年二十六歲而承寵故氏上

事翁姑下撫二子苦志三十餘年宗族鄉黨咸稱述不亡云

袁氏鄉民孫學妻年二十一歲學歿氏奉事公姑撫養幼子苦節四十餘年鄉人稱之

嘗六孔與智妻幼失怙恃亦鮮兄弟以孤女而殯葬父母咸克如禮已爲難矣迨適與智甫三年生子方六月而與智遂亡氏矢志冰霜仰事翁姑俯育幼子歷七十餘歲而卒今其子毓德孫傳心讀書成名何莫非氏教訓之力也

傅氏王澤長妻于歸時翁已故惟孀姑在堂小叔一人尙在襁褓氏委曲奉姑撫叔孝義兼盡後姑歿叔僅七齡氏恩勤鞠育無少懈踰年而夫亦殂氏時二十五歲無所出痛不欲生又念王氏一脉惟弱叔在我死叔將何倚遂葬夫忍泣撫養及長爲之婚娶王氏一門至今蕃衍者皆氏之所貽也

程氏鄉民張銓妻十九歲適銓越二載而銓亡止生一女氏堅志守節奉養翁姑其伯張敖嘉其志以三子張璉繼氏以承銓祀時璉方一歲氏艱苦撫育歷三十餘年而終前任知縣尙

一縣志 卷之四
獎節孝可風

向氏鄉民徐獻珍妻年二十五歲夫亡矢志守節
公姑爲立其叔子房齡以承夫嗣家徒四壁朝
不謀夕氏勤紡績以養親撫孤歷數十年而繼
子有成家道克昌人共頌其節孝焉

房氏郡庠生龐述先妻也夫故時氏年二十八歲
遺二子二女氏善事翁姑撫育子女享年六十
餘歲而終

李氏路衍祺妻十七歲于歸十三歲而夫亡遺孤
三人上有孀姑氏矢志靡他時遭明季荒亂同
伯逃避江南扶姑携子雖患難流離中不使姑
缺於供厥後返甲躬親紡績延師教子長子億
年三子松齡皆補弟子員而次子松年成名儒
爲同安令孰非母教有以成之耶

梁氏四氏學生員孔尙聲妻年甫二旬夫故生遺
腹子衍樞氏以守節自誓孝事翁姑迨翁姑既
歿殯葬如禮教子不事姑息嘗以紡績之積延
師課子故衍樞得補四氏學弟子員而家孫興

義以恩蔭授大同府中路通判著賢聲遠近胥
頌母德焉

孝婦劉氏武岸邵成美之妻生自蓬門未習女誡
乃于歸後即能孝事病姑其夫出外數年未歸
又值水災之後家無餘粒氏恐姑愁苦增病罄
其衣飾以供甘旨而自壓糟糠始終奉養不衰
宜乎四境人士交口稱頌也知縣聞 給孝行
可嘉扁以示獎勵

王氏鄉民續邦傑妻十九歲適邦傑越二載生一
子方數月而夫歿於盜時堂上有翁姑懷中
弱子而家計蕭條氏百計拮据以爲仰事俯育
之資乃十指勤苦而衣食漸饒亦天之所以報
之也享年七十一歲而終

節壽

郭氏岸生王虛心妻也虛心遭壬午兵變遇害一
子士俊亦被擄去氏時二十九歲痛夫呼子幾
不欲生後幸葬夫而子逃回遂守志撫孤歷七
十九年享壽百有八歲康熙四十五年郡守李
給百齡扁旌獎

房氏吳珍之母孝敬夙著節操克終年登百有五

一果
國朝之瑞現在詳請題達建坊
齡誠人世所罕觀者也宜勒邑乘以昭

董氏鄉民張國用妻十九歲于歸二十二歲夫亡

無所出念姑早亡而翁尚存欲殉夫則老翁何

恃以養于是堅守貞節奉養老翁二十年不少

懈怠翁歿竭力殮殮復啟其姑棺與翁合葬祖

塋閭里咸欽頌之節與孝均足風焉

張氏生員林沐洙妻于歸時年十九歲越三載而

夫故氏僅二十一歲無子誓以死殉氏又念公

姑無依遂矢志奉養以代子職未幾公姑相繼

歿

張氏沐洙妻

張氏沐洙妻

翁復以三房一子

翁其夫嗣氏撫養備至無少

漏秘及長分產令

此子延芳以膏田讓叔此尤

人情之所難也

高氏程遠方妻也十

九歲于歸越三載值壬午之

變夫死于兵僅遺

一子年未週名曰彬先是氏

見夫被執厲聲罵

誓求與夫俱死軍人義而釋

之後聞夫遇害覓

屍不獲晝夜哀泣結尸以葬

遺事平力撫幼子

勉力謀讀何意彬方授室復

天遺一子僅數月

氏借孀媳拮据撫育乃孫甫

二歲而孀媳復歿氏撫弱孫艱苦備嘗卒使孤孫成立克繼書香苦節洵足傳也

趙氏邑民劉五車妻也夫歿時氏年二十一歲矢志守節上事老年公姑下撫襁褓一子歷艱辛者五十餘年今七十有五猶強健不衰可稱德彌邵而年彌高者六

王氏生員孫綽之媳也夫歿時氏年二十二歲生一子一女女亦志堅守無何子女亦相繼亡轉鬻家資遊學於方氏拮据支持姑歿極力

餘年之苦節尤堪入志以風世

氏歲貢生林宗智妻也氏二十四歲夫歿志守孤幃事媿姑撫幼子膝下有孫猶紡績是勤宗族鄉黨莫不贊頌稱頌之

李氏畢遲妻適二載而遲歿時止有病姑下有前妻子甫二歲氏堅心守節姑歿喪葬盡禮課子國省慈而嚴悍得名列詳宮皆氏仰事俯育之功也

辛氏邑民丁盛會妻年二十七而夫故氏矢志靡他孝以事姑慈以撫子且竭力殯葬祖公祖姑

以及公姑之生養死葬咸克如禮歷今八十有
四苦節五十餘年芳名洵堪不朽云

周氏武舉田天祥妻十七歲於歸善事舅姑二十
九歲而夫亡氏晝夜悲泣不食舅姑泣諭之曰
汝子幼而我夫婦老何勿念其大者氏遂忍泣
撫子事親數年無少拂舅姑病則祝天求以身
代歿則喪葬悉如禮邑人士重其節孝合詞公
舉前任知縣雷 以節孝雙全扁其門誠實錄
也

趙氏四氏學廩生孔毓堯妻明節孝婦徐氏仲女
也幼而端莊子歸後能得翁姑歡歡佐夫讀言有
聲庠序坑歿氏年二十八歲絕粒數日誓從夫
死其兄湛泣告之曰妹死固善如幼甥何之勉
進飲食教二子慈而有禮咸克成立邑人欽重
之以爲不媿阿母云

林氏邑民李維翰妻也生一子甫六月而翰歿氏
年十九歲矢志靡他高堂賴之以成人苦節幾
三十年而終

王氏鄉民張鶴妻年二十一歲而夫歿志守孤幃
堂上惟孀姑是倚一夜盜入室將縛姑氏從蚤

室挺出曰家事我掌勿驚我年老姑出簪珥
飾付盜盜感其孝而去姑年六旬染癰疾氏左
右不離雖溺垢不嫌污寒暑不辭瘁姑至八十
餘歲而終皆氏孝養之力也遺一子早夭謀諸
近族繼堂孫以承宗祧其明於大義又如此今
已七十三歲苦節五十餘年宜鄉里咸以節孝
嘖嘖稱頌云

續按明宗伯吳公曰朝廷旌表之典原爲愚夫愚
婦發潛德之光以風世耳若士大夫家何人不當
爲節義者名言哉乃後世則惟顯有力者獲邀而
閭巷中多泯泯矣安得如吳公者起而正之茲於
輿論所推備爲採之俾市閭芳型雖不得盡邀
國典而垂諸簡冊或不至數歲而後湮沒無傳也

卷之四終

文上系志

卷之四終

三

拾遺器不離偽一年四方則焉定公
日學此治魯何如對曰雖天下可矣

冉耕 字伯牛孔子宰中都時耕常侍左右及定公

焉墓在西門外感化橋
側至宋始遷於東原

唐

邢審容 字惟肖穆宗長慶二年攝中都縣事博學

所更瓶兩序俾絮已進
修者處之以藏息焉

宋

周師中 南陽人哲宗時知汝上縣為政寬猛適宜

刻準字池於堂又移建聖澤書院
以育生徒置思聖堂以自勵云

鄭周卿 襄邑人能詩建炎丙午丁未知鄆州中都

皇清順治四年大水平地深丈餘禽獸死者無算

五年八年九年俱大水

十二年八月初五日郊時地震有聲如雷

康熙四年春大旱

七年六月十七日戌時地震自西北至東南有

聲如雷官舍民房多塌毀時有壓損人口井水

湧出河水上岸

二十五年秋蝻生

二十九年蝗災

三十年蝗災

三十一年元旦日食狂風終日

三十二年正月十五日狂風終日晝晦不辨二

十八日卯時天色紅如血稍間變為黑氣漫天

大風晝晦人對面不相見

三十三年五月二十一日未時河西雨雹大者

徑尺打死數十人蟻重遍野

四十一年大水

四十二年大歉欽差大人四員發帑并留漕賑

飢饉免本年錢糧至四十三年春有相食者願

多方賑濟始得全活

四十八年六月大雨三晝夜遍地水泛田禾浮

沒後繼

皇恩蠲免錢糧民賴以甦

五十二年五月十三日大風拔木損壞房屋無

算

物產 詳見舊志

古蹟 詳見舊志

行幸

續敘曰古者問俗省方所以護民疾苦故巡狩述

職民依賴焉典綦隆矣我

皇上屢次南幸 赦蠲疊沛老幼男婦皆得歡呼瞻拜
均沾

恩賜豈非千古罕觀者歟是烏可以不紀

康熙二十三年

聖駕南幸十一月十九日經汶上駐蹕草橋西北馬家
店

三十四年

聖駕由東路南巡由水路回鑾四月內經過汶上境

三十八年

聖駕南幸由水路回鑾三月十一日經過汶上是年

本年丁地錢糧凡八十九十老民賞賚有差

三十二年

憲大人修曲阜

聖廟奉

聖

三位皇子致祭闕里十月內經過汶上在東門外安

營由東路回京

三十七年

聖駕由東路南巡由河路回鑾四月內經過汶上境

四十二年

聖駕由水路南巡三月內過汶仍由水路回鑾四月內
過汶境

四十六年

聖駕由水路南巡二月內過汶境仍由水路回鑾五月
內過汶駐蹕開河北朱家灣

陵墓

先賢榮啟期墓

在巽

之封按榮子在七十二

在闕里誌昭然可知
與孔子講二樂賦
以表遺蹟云

明尚寶司卿王命新墓

城

里

村

潼關副使李燦然墓

河南知府高 然墓

兵部主事郭凝鼎墓

蘆州知府王虛白墓

卷之五 行幸 四

武寧縣志卷之五

武寧縣志卷之五

武寧縣志卷之五

武寧縣志卷之五

武寧縣志卷之五

續修汶上縣志卷之六

續修汶上縣志卷之六

續修汶上縣志卷之六

續敘曰自有文字而著述之富不可勝紀然志以

邑稱則詩賦序記必有關於邑者始取焉非徒

侈引覽資博物也汶邑素稱才藪又地當南北

之衝冠蓋往來不乏君子則憑弔勝境俯仰人

物以及褒貞表烈應多鴻章鉅筆足為山川生

色矣乃舊章淪亡老成凋謝博採之下徒深景

行間有取者未必得什一於千百也尙望繼起

者悉心網羅以備太史之採為續藝文

詩

南旺夜行

薛應旂

浙江學憲

長安六月東歸客黑馬溝前夜放船楊柳月侵湘竹
簾芰荷風動水晶簾未酬禹穴藏書計却憶匡山種
杏田可柰塵途猶寄跡滄浪空賦濯纓篇

南旺謁分水龍王祠

鱗甲往來中靈奇奪禹功平分泰山雨兩兩使濟河風
岸似黃牛斷流疑白馬通始知青海上不必要盡朝東

汝上道中

施閏章

提學

牛齋春陰好平沙趁馬歸花村徑幾揚柳樓海
薄霧濕新麥情流到舊堤如何寒食過不見燕銜泥

武節婦吟

節婦前志未見存此詩以誌之

邑人王命新

命新

寒食午夜寒風烈甘腸枝帶杜鵑血武孃貞骨香雲
生魄靈光總聞鴟鵂唱日夫君死藥市哭聲震烈萬
人葬不立墳成滿澤園拜結雲鬢矢永棄棘叢縫聯
細如織終時盡為泣淚濕得針已逐去若遊微意奄
奄猶七日國人感嘆聲不絕昇棺葬之使同穴天容
鑿鑿雲黑空學片石紀年日

贈貞節武母焦夫人

前人

霜空無月星孤側側寒風咽轉結三世命絲寧有
蒂州等心血總如茶桑田荒去憑誰問巧治傳來始
漸臺曾向班禪下者真前歷歷皆幸無

苦雨

趙文炳

三旬不見暑炎暑忽經過且漏頻移楊花正愁沒荷
雲深苔運滑葉密雨聲多夜半愁晨覺無薪可奈何

憂歲餘

前人

萬戶齊荒朽腹奉前編羨字不嫌貧無知長楚憐憐
我多病之難也笑國前看民憂賴歸家聽聽
吟吟清輝照夜天門上皎皎庭前照釜塵

蜀山湖雨中觀蓮

邑人趙

錦舉人

好雨隨風洗露翎扁舟搖曳入空冥曠懷時寄陶樽
綠疎性常同阮眼青近遠漁人依岸住沉浮鷗鳥傍
花停詩成湖上遙峯碧潦倒何妨醉復醒

南旺湖堤次李考叔韻

宋

琬

布政使
萊陽人

長堤曲曲接平沙岸柳陰陰遶徑斜惆悵浣沙人不
見芙蓉空對水紅花

吊節婦何氏

眼底飛花不復春含愁強作未亡人但令一痛隨君
死豈愛千金隕妾身血淚未乾應有恨鏡鸞已掩更

生塵芳名從此同明月常自清輝照古今

前題

龐時雍 邑人主事

少婦含哀慟隔年忽教賚恨掩重泉千秋艷質埋芳
草一點貞魂託逝川巢燕樓前春已盡杜鵑枝上月
空圓可憐三載幽閨思直到如今淚始乾

拜分水龍王祠

張新標

高堂孤峙大河邊懸溜中分石徑穿泗汶百灘爭二
水釋蒙千派導諸泉荒苔鐵鎖蛟龍宅斷碣灰沉符
籙年南北征帆競渡急可堪回首各風烟

謁宋康惠公祠五首

董訥 漕督

祠堂高峙墓雲中汶水分流轉運通自是千年留異
跡人聞爭說宋司空

四櫃功成鎖萬流湖光蕩漾出龍湫何須海運勞廷
議從此輕帆達帝州

亭亭風節照乾坤却讓恭襄荷帝恩杜宇聲淒雲月
冷蜀江萬里黯中魂

康惠於今頌令名當年誰與奏承明可憐恩禮歸權
貴辜負勞臣萬古情

牢落風塵欲問津停驂入廟肅明禋尙書能用修防
策配享何無白老人

分水祠致禱

前人

汶水失朝宗高築嚴防禦洪浪忽西奔四櫃為藏貯
風濤在掌中區畫如累黍七分合漳衛以三會徐呂
一水南北流轉輸無攸阻海運既涉險陸運非善舉
飛輓入漕河萬艘每鱗序於今數百年厥功稱最鉅
我懷康惠公入廟瞻鐘簋謨謨松風前再拜相告語
我亦督漕人憂心靡寧處方寸契千秋孤踪吾與汝
旱久滯百川沙停連荒漕願得藉洪流用以報當宁

題宋康惠公祠堂

張鵬翮 梅河今縣志
部尚書

康惠祠堂汶水東我來覽古識清風昔日胼胝老

通今時代幾定村翁河湖循軌田疇易南北分流運
迫通為喜新墩交會處老臣開濟此心同

題白老人祠

誰識廬中一老翁尚書有夢訪飛熊若愚大智勞心
力胼胝經營著茂功

題分水廟

朱彝尊 翰林秀
水人

浴月弄風動戍樓津頭官柳繫孤舟行人莫唱思歸
調汶水南來已北流

汶上珠淮陽同知路東皋賑飢事 有序

歲庚辰自春歷夏畿南接齊魯皆旱災流離枕藉者幾滿於道汶陽路東臬先生乃倒囊豪飯而藥之糜數千金活者以萬計嗚呼世不乏富貴人率以金錢爲性命卽鄰里鄉黨莫之救恤况異鄉道路之人乎先生獨能爲人之所不能爲齊魯仁人天下義士也予奉簡命道過汶上聞讚頌聲不置因爲之紀

年飢若見化工偏載道哀鴻孰爲憐賴有春風吹齊魯能除菜色滿山川金錢散盡還無倦玉粒糜空尙

惻然一片心涵千古意沛成霖雨補青天

癸未歲

遣官四員發帑一萬二千五百兩截留漕糧賑濟正黃

旗德明與焉遊廟詩一首

小殿新成壁上圖
画工仍画舊規模
好教粉墨些須筆
留画流民與餓夫
食粟應慚四十春
空留落落一閉身
安能四十年來粟
散與中都數萬民

渡河

邑人岳峯秀

刑科都給

烟迥平湖濶茅廬日氣黃
人家憐杼軸鳧雁喜翱翔
河水分涉歷山嵐入木蒼
此身隨處好不自解行藏

中秋汶陽道上遇雨

前人

白鳥羣翻雪黑雲淡復行西風吹綠樹踈雨滿高城
世事隨人語寒暄迭物情不知今夜月可共酒杯明

送友蜀山湖遇雨

邑人路世禎

鼓棹採菱芡磅空蕩小露霧沉千樹障風急片帆遲
綠鬢摧嬌艷紅蓮吐嫩姿促僧尋杜釀有酒且敲基

謁王將軍彥草祠

西泠沈情遙村

將軍狗難著忠心人死留名直至金汶水荒祠神慘
落墓門有棘氣蕭森頽垣半雜莓苔古遺趾頻驚風
雨發若使維新豈好事請看史冊重儒林

吊郭烈女

楊于國同知管縣事

苦節受管不乏人弱齡甘死邁齊倫未經識面先心
評惟解掃驅取義真聲斷額天雲尙慘血流觸地草
常新可憐黃壤枝連理正彙今時在幃巾

題董孝子碑

在開河鎮孝子見舊志

邑人趙增督捕主事

白雲紅菊滿墻東樹木非棲處處同幾尺殘碑傳孝
子數篇新詠勸衰翁生身父母誰能養賣菜傭兒伊
獨隆香染河流流不盡好從行路溯遺風

前題

邑人趙瑤舉人

誰從父母見天真三百年來第一人豈爲名行標孝

子只將菽水慰慈親難於度上空留客棧採簷頭不染塵奉養休看容易事到今閭里話津津

吊室女劉氏死節

趙增

雲掩姍星夜月孤未曾會得襦赴長途眼看白晝雖無侶身到黃泉自有夫繫口心不成寧繫頸呼卿未遂願呼奴千秋節義歸阿女也奠霜墳酒一壺

前題前韻

趙瑤

巾幗獨留節義孤窮途心必是迷途寧讓少兒女仗劍能羞烈丈夫寒窗蓮房還並香拆飛雁啼不此奴千秋心事如水雪一個惹纖塵到玉壺

吊孫節婦

趙增

氣凌今古一身孤携笏同行歸冥途振起大綱闔有女挽開末季世無夫鴛鴦拆去羞從鴨鴻雁分飛恥作奴預識瑤池王母座雙雙拜舞入方壺

吊楊節婦

趙瑤

高懸日月姓名孤赴義如飴豈畏途共挽鹿車今已矣獨操井臼亦悲夫玉樓人是修文客婆韓我非長命奴四世清操無一玷甘隨大鳥到瀛壺

感處女劉氏殉堦投繯作邑人路松年知縣

桃夭未詠好逑孤頓爾幽明隔兩途百歲為期曾許

字初心肯易更從夫甘歸地下隨鴛侶耻向人間作
雁奴不止芳名垂簡冊還應貞魄列蓬壺

蜀山讀吳介肅公詩集有感 趙增

掛冠歸作把綸人勁節高風誰與親湖水光生三界
夢蜀山影緒百年身銅駝荆棘留朝苑明月蘆花屬
老臣慷慨於今徒悵望挑燈無語淚沾巾

吊四逸士 前人

心懸日月為誰酬了結一身願始休慚附炎蒸炊避
灶羞呈圖畫被蒙頭食殘薇葉蒼天閉採盡芝苗大
地幽莫謂四人姓名隱汝陽 秋

端陽日

聖駕過開河鎮

彩旂迤邐射波紅畫鷁乘流馭順風日照牙樯懸
虎霞侵錦纜駕飛龍兩堤男婦迎天笑萬國山
獻帝功長縷無庸 五色華封三祝古今同

蜀山春望 前人

波心一柱古今奇淑色晴開萬頃陂地軸無痕生
笋雲根有路接金堤霓光食雨漁翁覺蜃氣成樓
子知極目烟嵐迷草樹振衣長嘯起深思

湖市 春夏雨漲湖市特現與 前人

滄茫汶水匯三湖勢控分流此地孤人物升沉千劫樓臺出沒九如圖收來眼底成真幻捲去空中有無蒼狗白衣何足異須臾天地一荒蕪

前題前韻

趙 琮

長堤盡處是西湖草樹陰陰幻影孤鯨室織人練瓊宮珠蘂隱如圖千家城郭雲卿出四壁樓臺入無回顧山村迷逕路天台幾日到平蕪

和梁雪樵明府遊蜀山湖

趙 增

菴一丘葦波裏空濛浴翠漣雲開泥印月水漲浪摩琴瑟發絳琴側鳧飛野鶴前心澗忘物我為傷米

題宋康惠公

趙 增

長堤柳映翠烟浮二水平分不斷流芙蓉風帆千舫月荻蘆波影一湖秋漫將三象舞清債還勒

東樓懷古

東明樓上

天

寬古多垂淚尋芳迹共避危雲鷺小燕營屋少全露可惜行吟地迥殊

贈邑侯樊公

趙 琮

汶陽花接古河陽喜春風到草堂正塵迎人露繡囊惠我有文

李香共沐恩波思一不盡願維父老頌

王氏岳生峯上可繼名德年少而

蒙旌典表厥王

示風勵之意

祖徠之松新甫

全鄂擲于歸江陽宅學傳第孝式

廿厄雞鳴味旦獨資

異成名解珥脫簪

靜端無闕夫何

身殉

荻九熊儼師席四十年

諸孫林立著膠庠天道好還若

絲綸出建章汶陽自此垂方

文

儒學叢先生重修儒學記

先生蓋不世出之才也心聖賢之心行豪傑之

介直方慷慨好義落落有古道存當幼學壯

凌雲之志抱破浪之懷登萊郡邑士子得

類多脫穎而出歲戊申來司汶鐸

正論易有學易叢書論文有山泉

生為首薦其訓迪之功不既彰彰較著哉邑之
 明季兵火之變存者十之一燬者十之九先生
 念之每於講學之暇經營補葺迄今歷四年於茲矣
 其因傾圮而重修者則為大殿為戟門為明倫堂
 一亭是也其考遺跡而建置者則為啟聖祠為
 為東西兩坊為儒學門是也而且補造木主修葺
 豆先生於數年間勤勞是務淡泊自甘帛不加
 不兼口捐 朝廷養身家之俸盡以供修理宮
 之費所謂不世出之才非先生其誰與歸先生登
 簞萊人也請貞一字太清戊申年任壬子卒於

李廉李君方遠稟生郭君文亮在
 梁先生修學之功二君皆有贊襄之功焉因并志之
 是為記時康熙十一年

禹王廟移建南旺碑記

襄平靳輔

後河
自書

堯舜德之至者也功則得人而成湯武功之大者也
 德則因時而升降若夫德侔二帝而勲華並藉三功
 功冠三代而商周猶遜其德者厥惟夏后氏哉故昔
 賢嘆禹明德之遠又謂禹之功與天地並蓋自有天
 地而為世之大利大患無如水者一自平成底績以
 來何人不賴其憂勤以釋木處之顛土處之病而資

舟楫灌溉之利以至於今乎是宜通天下得廟祀而
崇奉之以志不忘莫定所自始而况南條花條之水
滙九州貢賦之所必經其邀靈於神聖者寧淺鮮哉
而可無以妥憑依隆祈報歟任城之南郊故有禹王
廟雜處諸神祠間位置失宜非所以明教向未有釐
正之者余以康熙丁巳奉

命督河首虔謁廟廷下則又卑陋湫隘不堪瞻仰尤
非所以昭永賴之報也迺慨焉謀諸僚屬曰吾聞大
禹卑宮室夫子稱其巍巍有天下而不與然則區
區一方之廟祀與大聖何有雖崇飾之不加益即區

陋就敝不爲損也處之義皇之上不加尊卽置之非
類之列不因而卑也然稽古祀典有其舉之莫可廢
也又曰精意以饗禋也而偶處之而褻置之明神弗
獨其獲戾不滋甚於廢耶謂宜遷諸寬闊爽塏而特
祀焉僉曰然非特事神之道宜爾也亦以伸正教也
一舉而兼得焉其毋庸再計於是相與庀材鳩工出
廩稍惟恐後卜地於南旺分水口其東漑則前代正
德間遺廟故址也路僻軌稀過者窘步因撤其朽敗
而於西岸重構正殿三楹移像其中又東西廡各三
楹軒陛門垣悉按規制勿侈金碧勿混翬塵自康熙

十八年五月十五日肇建於十九年冬十月告成僚屬請余誌其始末於石余按南旺湖卽古之大野也向讀禹貢大野旣瀦東原底平竊疑凌谷代遷古蹟寢以湮沒未可臆定及考地志謂大野在鉅野縣北又云鄆州中都西南有大野坡乃曉然信其可據蓋今之東平州卽鄆州乃古之東原而所謂中都則今之汶上縣爲南旺所隸屬合古經志與今郡邑形勢度之其爲禹功要區可知夫上古建都皆在冀州方域之內而揚兗徐數州所貢悉由大野而達是今日之南旺在虞夏時已爲貢道之要會矣况我

國

家足重馭輕宅燕都而聯六合轉數百萬之儲糈以供億萬載無疆之國計專恃此一綫運道而通信乎四方攸同維禹之績也前代於茲立廟始亦有見今者吾輩師疏鑿之故智稟利導之良規方兢兢焉惟曠墜是懼敢憚經營而鼎新之以釋偶處褻置之愆乎若乃古聖王德功並至與天地同流與日月爲照臨洋洋乎無往而非神明之昭格者不係乎區區一方廟祀之更新也是爲記康熙庚申十月之吉

南旺義學記

虞山蔣陳錫

濟寧道今雲貴總督

昔董仲舒有言曰上之化下下之從上猶泥之在鈞

汶上縣志 卷之六
惟甄者之所爲金之在鎔惟冶者之所鑄爲民上者而欲引甄治之化舍學則何所從事哉古之教者家有塾黨有序法至脩也後世建學明倫在朝廷則辟雝在郡縣則泮宮而已其他州閭鄉黨無聞焉由是民之愚者猶搏搏之士其智者又躍冶而出無所模範豈非父兄之教不先子弟之率不謹耶孔子曰十室之邑必有忠信若窮鄉僻壤之民而使之日不睹聖賢之書耳不聞先生長者之訓吾恐水車秧馬中其埋沒文人學士者不少矣又况父子詬誶姑婦勃谿箕帚之間而有德色豆觴之際而無遜志

執非不學無術之過乎然則欲一道德美風俗者舍學何所從事哉南旺距濟寧之七十里而遙一村村落也而爲汶水分流之處昔宋尙書濬會通河從白老人引決汶水之七使北行又決其三使南下如是糧艘通行無礙迄今廟貌依然居民繁庶隱若城市然其民習於耕鑿勤於畚鍤役夫田父比比皆是求所謂橫經講藝詠謠先王之風者蓋十不得二三焉非廢學也樂其俗而安其業遷乎其地而弗能爲良也郡司馬羅君惻然念之謀諸衆曰義學之設所從來已久而於此尤宜因購隙地於其間庀羣材鳩衆工上

不費公帑下不煩民力畫宮於堵而績於成爲堂五楹房如之兩廡稱是設砲臺於西南隅備不虞也其東北則建奎文閣昭物彩也擇士之良者以爲之師東脯糗糒之類出諸宮中重師傅也此都士子有操制舉業而來者就上含狹兔園冊而至者就下舍條教井然向之瓜哇蔬圃一變而爲詩書絃誦之場嗚呼盛矣方今

天子聖明崇儒重道大司馬張公河工報最宣布

朝廷之德意嘉與維新而羅君且汲汲然甄之治之俾含哺擊壤之俗咸知向學以鼓舞於休明之代爰見

他日之升於司徒光於上國者非卽此譽髦斯士乎夫爲政於鄉與爲政於國無以異也爲政於國與爲政於天下亦無以異也觀此可以知羅君異日之政矣傳曰有其舉之不可廢也後之君子其當守而勿斁是爲記康熙壬午仲夏吉日

重修分水龍王廟記

虞山蔣陳錫

山東巡撫岑聖雲貴總督

汶上之有分水龍王廟出來舊矣其創建載於邑乘不具論顧其靈應之在人者則不可以不記也余同年海寧陳廣陵先生嘗爲余言未第時舟過廟下值水涸虔禱於神水立至得濟併示吉夢廣陵登鼎甲

歷任至少宰今巡撫粵西若左券焉因捐俸五十金
爲之倡而余亦以戊午計循泊舟南旺夢至一處地
勢最窪愈折愈下如入冥官之庭有衣冠者北面坐
儼然森羅殿也謁見禮畢命余坐併出一牘曰延君
至此此人捕鳥誤傷人命當入輪迴報應惟君決之
余視之曰此無大過小民計口腹耳且弋射漁釣聖
王弗禁當以誤殺論王者肯余言遂具疏奏上帝及
驚寤竊以知神之所司不專化分水也夫余與廣陵
兩書生也方風塵未遇世不能知而神獨知之一以
默相一以決疑非聰明靈爽而往知來之明驗乎今

廣陵在魯之西而余承乏於山之左雖與咻其民不
及廣陵遠中聊以繼廣陵之志而爲之捐俸以落其
成庶幾過斯廟下者有所瞻望起敬以邀靈於無旣
也遂書其事而爲之記

重修城隍廟記

西泠聞元昞

邑令

寰區廟祀各殊而惟城隍之祀則周天下而無異蓋
治分幽明教別陰陽而城隍則職陰教而實資乎陽
教者也然則崇奉者棟宇之壯麗金碧之輝煌顧可
多飭歟邑城隍廟創建舊矣乃歷年既久風雨剝蝕
殿宇門廡咸頽敝弗整其何以棲神而肅觀瞻乎日

又奚以祈神之佑以惠我元元也余於戊子夏來宰
邑市下車展謁廟祠卽慨然有潤色之思直以視
象之初簿書叢委未遑驟議興作也迨閱歲遍觀百
爲畧已就理惟茲神廟尙飄搖於凄風苦雨心甚怵
焉於是度材計費卜日鳩工而捐俸以棄其事由正
殿而兩廡而大門戲樓或撤而新或葺其舊無侈前
規足炫後觀益增奇觀碧無不巍焉煥焉咸慶維新
神之所棲將在是矣況學士大夫以及愚夫愚婦入
廟賦拜者皆有以聳其瞻視而動其爲善去惡之思
則其理陰以資陽者亦卽具於是矣工既竣爰勸

我邑紳士

重建八蜡神祠記

問元昊

古者天子大蜡蜡也者索也每歲終聚萬物之神而
索享之也所謂八蜡者以其神之有八也總統之於
蜡者皆以其有功於農而祀之也典綦重矣哉邑東
關舊有八蜡神祠前萬曆間邑令張惟誠建歷年久
遠傾圮無存所餘者基址而已康熙庚寅大旱湖涸
蟪生蠕蠕者遍湖坡也余日夜焦思謂蝗果起民無
歲矣可若何旣而曰是當問諸田祖乃竭誠設祭於
廟址而爲文以禱之越三日蟪盡死不爲災是歲且

汝山縣志 卷之六
有秋余益曉然知神之有功於民而廟祀之不可以弗飭也爰是鳩工庀材卽遺址而重構之中爲正殿三楹外豎以門繚以週垣而以時展祀焉今而後廟貌嚴肅神有所依不惟司蒸嘗者拜謁有地彼邑人之報賽田功者亦有所瞻仰而得以伸其誠卽神之著靈應而作福於人者將益廣且厚矣敬勒石以志歲月并以告後之守土者俾知神之靈而祠之不可以弗飭也是爲記

贈旌表馬母焦氏序

邑人 王命新 尙書

余吟隴西之亂而有感也謂人生在自立耳及見馬伯仁之母自請爲娣竟使其家方幅齒遇於一時又未嘗不重其善自致也今以焦夫人之義視諸絡秀有賢焉者夫人非聞族也初爲乾吾先生副室生兒纔數月而乾吾棄世使得從先嫡以翊贊家政猶無難者乃天復奪之正室時乾吾之母尙處於堂夫人事之如其子在嫡之諸女未出於室夫人畜之如其母在子光乾離襁褓漸就外傅夫人教之如其父在蓋已人情所難矣乃乾吾之產素爲饒裕族之貪暴者垂涎日眈眈於藐諸孤外侮內難紛然四至有應接不暇者夫人卒能脫子於難以有成立迄今三十

沙上集卷之六
餘年諸孫羅列業日隆隆起視昔懷抱弱嬰喘息恐
聞時授批黨如拱揖聞叱詈如唯喏朝焉夕焉危委
於不可知之天者况之苦愉寧能有忘耶然不可知
者天也可知者我也夫人委其所不知故能與子以
有成也邑諸生上其事於諸臺諸臺旌厥閭焉公
贈之以言是爲序

焦氏顯節錄序

前人

新猶及乾吾先生試藝也於時先生面庭酢醪
似翁矣不知其年之壯也及先生以三十九歲而
亦不知其後事之若何也又

交相示曰此乾吾之孤又不知其前訓之若何也
鄂圃李君館於高里者且八年間其內範甚悉歸語
予曰夫儒童者焦夫人出也乾吾去世時數月耳其
育且誨之者盡焦夫人夫人初哭夫時甫二十餘
姑在牀弱嬰在抱先嫡之遺因在閨族中之橫逆在
側乃克老有終而幼有立也艱哉於載籍中未數數
見矣予始知吾邑有焦夫人繼又聞其嫡之垂絕也
曾召二女命之曰吾從爾父遊地下汝祖母髦矣所
依爲命者惟焦妹耳而後乃今事以繼勿以廢也二
女泣拜諾諾及歿二女毋之而夫人退然自下也即

暫時坐止未敢處尊三十年拮据家政而奴婢未見其疾顏厲色者予曰是焦夫人之所以能植其大節者歟今諸生概其行實以例請旌而諸臬使咸下檄於縣表厥門閭矣乃其初請時誤稱繼室夫人聞之輒大恚泣曰吾三十餘年未敢有僭越之意柰何使恃先死者於九原也其子懼遽謀於予予曰國家旌節無間妻若妾也卽以情控上亟正之噫嘻夫人於義無所讓也於分無所爭也所以能植其大節者在是乎在是乎其子仲禮錄其上下移文付之黎棗予因題之曰顯節錄而處之如此

郭公侗傳

王天眷

工部侍郎濟寧

郭公諱明睿字侗孺著籍汶上大司空曾孫憲副公士奇之仲子也生而穎敏不好嬉戲齟齬會賓客儼如成人見者器重之與伯兄俱授業於本族進士開澣公公性嗜書雖累世貴顯而絕意紛華歲十二客有譽公門第者公艱然曰古人云門第可畏不可恃吾方以此爲懼何勞譽乎客嘆服年十七補博士弟子員崇禎庚午憲副公官京師罹火災聞報三日夜馳至京侍湯藥能得歡心歸與伯兄讀書一室啜菽不輟研窮義理惟宗程朱邀名士爲文會又工臨池

真書得鍾王之神草書絕類懷素帖括之餘兼喜談
兵雖韜鈴專家莫能逮見天下寇亂慨然有擊楫之
志庚辰大中丞王公奉詔討渠寇李青山於棘梁山
公率一旅衝鋒陷陣數戰皆捷獲青山獻俘中丞王
公上其功詔給扁褒獎俟再有功叙用壬午大兵入
塞伯兄避海上公送之聞報星夜馳歸夜深至莊上
有從叔勸曰兵深矣勿遽入城被圍柰何公曰吾父
在城誰爲護持有僕牽裾跪勸公正色叱之策馬踰
入城未刻被圍客有勸憲副公潛逃者憲副公曰吾
生平以忠義爲心事雖雖不我屬我已世食君祿矣

城苟破吾惟效死斷不苟免客復勸公去公亦曰吾
父爲國吾爲吾父不知其他昧爽城西南陷報至公
謂士卒曰爾等從吾出城稍遲觀變以圖後效乃甫
渡濠士卒皆鳥獸散副憲公與公爲遊騎所圍公奮
擊潰圍出迴視憲副公猶在圍中爲格鬪狀復入圍
愈厚爲亂兵擁仆不得出遂與憲副公同遇害嗚呼
父死忠子死孝志烈秋霜何如是其凜凜也方之晉
卞壺父子何多讓焉時公年方三十英風豪氣未竟
厥施惜哉郡宰郭生永昌同被圍親見其事詳言始
終如此

明增生路君依小傳

邑人 岳峰秀 刑科都給

路公諱世禎字君依邑世家也高祖迎大司馬會祖
楷巡方關中祖可行封布政司叅政父孔道任虹縣
教諭忠厚貽謀五傳而君誕焉生而直方矜名節風
規稜稜也冲年遊泮補增淹貫經史厄於數屢試不
第因就曠墅構茅屋數椽課子弟以舉子業行晨昏
定省禮每朔望設香案北拜集里人促膝環坐與子
弟言孝與父老言慈與衆言仁讓言嫻睦諄諄懇懇
無惰容無怠志中有不順於親不遜於長悖訓作非
者衆共誚讓且不齒於是敦行者勵敗行者羞二十

餘年望中不闕有雀角爭君其星耀
漢將作凡糠粃及諸野菽皆覓而積之堂左右竊
之君曰汝何知吾將以利濟也旋割康平州蓮花
庄一區獲金七百餘兩抵臺庄糴麥一艘載歸藏諸
廩家人多怨甚君曰嘻吾欲舍我膏田爲我子孫
良田家人不知反我懟我姑聽焉未幾崇禎辛巳
果大歉人相食諸村十殞八九君出所藏麥調里中
急不繼則雜以糠粃又不繼復雜以乾菽又不繼與
所有大榆百餘株盡削其皮而分餉焉由是一曠之
區悉免餓殍皆祈增君壽祝君有令嗣及康熙癸卯

仲子光岱登賢書諸孫采心列贊序曾孫復振振興焉
豈非爲善之報哉洵可以風矣是爲傳

明孝廉郭公翼聖傳

膠州王 懿大理寺

余與郭子嶠航同選拔各歷下邸寓相接晨夕晤言
因得悉其家世知嶠航爲翼聖公子也翼聖公諱文
郁字翼聖曾大父以制藝起家致位大司空大王父
王父皆以廕列郎署華盛通顯甲於中都公狀絕純
稔性嗜書與仲弟得孫公皆師事從兄進士開許公
年十五公父少司馬宦京師戈太宜人潘宜人皆家
居周旋重堂間咸得歡

公仲弟赴都省父患公在

病問

解帶者三閱月宜人
又皆盡禮弱冠補博士
書時蜀寇猖獗 上命直一省鄉貢士兼試騎射

矢皆中的大中丞直指使交口稱奇掄爲
東省寇訐公避亂青州之人顏神鎮紳士慕公德望推
公攝鎮事辭不獲已遂受文任調度有方鄰境皆
而顏神獨安堵無恙大中丞甚器重之

皇清定鼎大中丞給咨赴部選公辭就制科丙戌歸里
土寇肆兇避居泰安之磚舍村市薄田構茅屋志

隱逸同門友閔公諱廷謨任憲副駐節岱下密邇公村五年絕不往見後閔公知公隱處親往願之公辭不出閔公曰干木泄柳於今再見嘆息久之而去是徙居寧陽之泗臯村省治壘足跡不入官府者四十餘年或勸公仕公笑曰墓田可耕遺言可讀樂此足矣馮相國易齋公同年友也欲薦公先致書公力辭疏遂寢公性謙和有犯不校尤敦友愛弟二人皆弗克守先業公推田分給者三復代輸租稅若私取公馬賣之蒼頭來告公曰彼盜爾馬之也公曰是行何需馬為公好馬古文詩

去間有一二存者兩被回祿悉成灰燼嗚呼天蓋成公大隱之名也故吉光片羽不使流傳於後世

疏稿

禮科給事中岳峰秀

題為撫臣劾疏當亟圖其寔不當虛襲其文事臣惟巡撫分省受

朝廷封疆重寄凡有叅劾無不褫審必寔寔有補於國計有救於民生乃臣行入告而無愧近見撫臣之劾州縣官也千章一類動則曰府某道某藩某臬某揭報合之訪聞與臣無異是揭報齊而後行訪聞耶抑訪聞切而又取揭報耶層疊商酌務在雷同則調停

中止贍狗姑容之事所不免矣臣閱邸報見州縣官革職追欠產盡請豁者每每盈千及萬是侵盜官銀尙且如此而歷年逾時詐害小民之脂膏者又誰爲之查筭又誰爲之找補也與其揭叅於罄產難償之後何不揭叅於經手侵盜之初與其揭叅於貪酷汎濫之時何不揭叅於詐害纔行之日借曰撫臣之耳目有限則藩臬綜核經一年而不知有司之侵盜官銀詐害民生也所謂分任稽察者何事借曰通嘗之爲遠難周則該道本府切近州縣經半年而不知有司之侵盜官銀詐害民生也所謂調監司統率者何職

臣以爲嗣後撫臣劾疏必明書某年某月某日據府道藩臬揭報其揭報事欵亦必明書某年某月某日過犯直達撫院取回文以爲左券如有司過犯經半年府道未行揭報或訪聞或告發卽當併叅府道如有司過犯經一年藩臬未行揭報或訪聞或告發卽當併叅藩臬如府道藩臬俱經揭報後遲三月遲五月題叅或被發覺或被糾叅查其揭報後遲三月遲五月作何倍加處分至於過限不揭報之府道藩臬或被撫臣併叅或被另日發覺無論現任離任立行降調縱有加級紀錄不准復還抵銷庶幾各出諸端

加洗滌將侵盜者早揭叅一日早留補一日之
國課詐害者早揭叅一刻早拯一刻之民生則
課不至久虧民生不至重困矣如臬臣言可據示乞

睿鑒施行

禮科給事中岳峰奏

題為曲直詞訟無可辨事臣惟詞訟一節係民宗之
休戚關國家之勸懲是非明則善良吐氣曲則
則奸宄逞兇非細故也邇來督撫河道以人論盜案
為重大戶婚田土關既爭訟而不問矣州縣官之
庸懦者不耐煩劇曠日累續索之高關而貪狠者又

借刁告為詐騙股富之端所以百姓冤枉莫可伸訴
准一狀必送銀幾兩審一詞必投入包管且不恤官
箴濫交匪類出入官宅流連私舍主文掌家串通市
井每每以詞狀為酬答戲酒賚發交遊之奇貨殊不
思州縣乃父母官不能為兒女伸冤反繫頸而授之
他人使出金錢以壯行色不稱指即枉法繩之此豈
獨國憲之不容當亦天理人心所不載也百姓屈
極偶有奔訴府道者又以為越訴犯條款縣官用力
致意府道府道遂批該州縣審結而小民之身命立
碎矣可憐此極窮極懦之百姓惟是哭天無淚捨地

有血從何處敵豪強之囑託從何處辨愚柔之虧苦也臣以爲宜勅下督撫嚴飭府道凡州縣官詞訟不理審斷不公宅門不謹及豪強夤緣包攬詞訟請託賄賂者一經訪聞告發立行叅究重處其百姓有以播官害民奔訴府道者再不許府道仍批州縣庶百姓有望天見日之時而豪強無凌孤暴寡之勢矣此督撫之訪察下屬者固當問其人命盜案之結不結尤當問其戶婚田土之理不理也如果臣言可採伏乞

唐鑒施行

禮科給事中岳昇秀

題爲請禁收麥作麩以重民食事臣惟兵戈大定則富民爲先積穀重農則節儉爲要與其臨饑荒而後議補救無如惜食用以豫重菽粟五穀之中麥爲尤重我

皇上軫念民食令直省州縣設倉積穀此誠聖人治天下之本計也臣備員禮垣思所謂崇節儉抑浮費者如收麥作麩一事習用之不過飲啜之小節合計之寔爲耗費之大端每年麥熟後富戶客商在水陸城鎮地方開店收麥立椿躡麩每一椿收麥多可數千

石少亦不下幾百石以一處推之各處糜爛小麥難以數計且麥一成麩別無食用譬如以千萬石麥作麩勢必用萬萬石米造酒我

皇上設粥賑饑憐念窮民婦子有一日求一碗粥而不可得者今乃以天施地生粒粒辛苦無限萬萬之米麥耗費於沉湎糟粕之場良可惜已卽以酒論饑不可恃以爲食寒不可恃以爲衣民可百日無酒不可一日無食持八日三日之糧每以償一人一醉之費而不足民生旣思又飲狂藥弱者耗財強者賈禍每見秋審招冊姦盜鬪傷謀率起於群飲克多逞

酒後不有以節制之其流將也漢文帝下詔言曰水旱疾疫之災無乃未作當農爲酒醴以糜穀者衆與率意遠思無有所旣自今三春噉噉全望麥臣以爲乘此麥前宜勅下督撫嚴飭州縣再不許富戶客商開店收麥立椿躡麩如有故違槩行處分留民間無數億萬之麥石卽留民間無數億萬之米石下以救水旱饑荒上以備軍需採買爲有益也如謂京都大郡自釀不便麩無酒少沽飲爲難却令農家隨便造麩貸之商賈許其開店賣麩不許收麥躡麩道路販麩過二千觔者罪而沒入之加褐集

絲布之類歸其利於田家是亦崇本抑末之一端矣
如果臣言可採伏乞

睿鑒施行

採訪汝誌小引

按汝邑舊無誌正德間王山先生作志勸教
斷後萬曆戊申邑侯張公訪廣詢敦請學士
先生等成之文辭典雅事功切實無浮譽無虛詞
誌稱善歷今八十餘年與治亂幾歷滄桑且
地之荒闕人民之存亡皆善惡之淹沒幾不可考
為延求畧誌其端各為汝誌續編紀畧以饒後
子表彰而著明之

編者本家未刻新
處貴罕見於此書

別部尚書聊城任克清林氏傳

松公諱益梅字際鼎號文水乙酉科同門友也性
仁厚狀貌魁梧為父萬言立就吾同榜首屈一指公
幼失怙恃依繼祖母劉氏事如生母及膺鶚薦劉勸
就選南宮跪告曰梅非祖母何以有今日祖母無益
何以終餘年堅辭弗往人咸謂李令伯復見於今
劉逝服闋就選銓部余時方擢刑科會執手曰公素
車駕遲遲乃爾公曰向祖母在不敢少離及授學京
茂名令至則清詞訟損火耗振興學校復將官署
用供給里下一切陋規悉行革除以故民有慈父

師之頌吾曹方欲交章以薦俾其大展所學不期
損館舍其棺木含殮皆爲士民助給與視旋里茂人
執紼以前者數千至今建祠以祀焉維時仲子隨
長子宗仁字伯居者仁厚亦如其父甫十五齡以
一入庠畱之居家事母撫弟伯居果能視無形聽無
聲克養母志酷似其父之孝劉也其撫幼弟宗礼宗
智教訓嚴明悉食餼有成厥後宗礼父子祖孫相繼
循子伯居悲傷成疾遂以四子世勲繼叔嗣又以宗
義之孫繼其子邑令呂公親式其廬旌其孝友伯居

有固辭弗受其雅量過人又如此仁孝忠義萃於一
門父子作述孚乎衆志爰爲合傳一以揚世德一以
礪風俗云

隴梅卿父子合傳

邑人郭文亮貢生

龐峘字梅卿食餼郡庠明兵部主政堯封公侄孫也
負姿聰穎究心經史恒抱大志屢試未售鄉鄰悉爲
抱屈一生孝友克敦忠厚貽謀後緣 魯府姻誼獲
其秘藏遂施藥濟世雖夜必起雖食必吐寒暑不變
至八十餘歲不輟也公有五男長名開先奪職武關
次名述先顯先俱遊泮水肇先見先悉列 藥榜又以

橋梁以利寒涉肅廟貌以衛民生脩舊志以光國典
廢者興缺者補凡所頽敝漸次釐舉獨餘韻一增聽
其傾圯不問不惟無以懸鐘鼓亦非所以壯觀瞻也
於是庀羣材鳩衆工卽遺址而重構之臺榭廣袤楹
廈軒敞一如昔制詎敢自多率舊章以垂永久二國
客有謂余曰同一麗譙樓也內而王都外而郡縣都
鄙所在皆有此獨顏之餘韻者何豈先師爲中都
宰而流風千載不泯歟抑後之蒞斯土者亦聖治
而德績異政可垂無窮故取此以誌不忘歟余曰唯
唯否否具皆不具論也於是乎記

